


1622



薑齋先生詩文集

四

Inches 1 2 3 4 5 6 7 8


Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007





落花詩

夕堂戲墨卷一

船山遺書五十二

衡陽王夫之撰

正落花詩十首

庚子冬初得些葦大觀諸老詩讀而和之成十首
以嗣有眾什尊所自始命之以正雅正也變非正
也雅有變變而仍雅則當其變正在變矣是故得
謂之正

弱羽殷勤亢谷風息肩遲暮委牆東銷魂萬里生前果化
血三年死後功香老但邀南國頌青留長伴小山叢堂堂
背我隨餘子微許知音一葉桐

錦陣風雌奪葆幢萬羣茶火怯宵撻燒殘梁殿緗千帙擊
碎鴻門玉一雙十里荷香消汴寢三山芳草送吳降揚州
婪尾春猶在小住何妨眷此邦

蒸雲暄日儘淫威小檻低簷判不肥豐草但榮時則可啼
禽空絮是耶非枝枝葉葉蘇君在燕燕飛飛戴女歸昨寢
不成仙逕杳盈盈一曲問津稀

游魂化密故饒甘怕扇蜂潮鬧不堪憂寄上天埋下地雲
迷澤北夢江南吾何隨爾纍纍子我醉欲眠栩栩酣時向
天臺親報佛春愁癡在早除貧

昔昔回頭豔已輕苦情欲薄鮮相迎香遮蟻逕迷柯郡雨

浥鶯聲唱渭城傷砌可能別有主依萍取次但懷清陌桑
曲柳空相識我自非卿卿自卿

捲得垂簾試捲簾元來猶剩一枝尖逗紅髻回塘遠墜
玉參差曲岸添泯泯春流愁畫鷁娟娟疎影妬銀蟾懸鈴
買檻皆疇昔好護香鬢遠蝶嫌

賭命奔塵擲一緋千秋何有大椿圍爭天晴雨邯鄲幟死
地合離玉帳機周易擊蒙凶不吝春秋讐戰義無譏朱殷
十步秦臺血恥向青陽賦式微

飄零無意反離騷譜牒宜收倩謝翱意北意南心自得如
鷗如鷺卜何勞三更露冷清同滴片月天低影倍高寂寞

琴心傳止息花奴莫弄小兒豪

歌亦無聲哭亦狂魂兮毋北夏飛霜蛛絲罥迹迷千目燕
啄香消冷一房世少杜陵憐李白印須唐珏葬姚黃蓉城
倘有華胥國半枕留仙我欲枕

高枝第一惹春寒低亞密藏了不安作色瞋風憑血勇消
心經雨癡形殘三分國破棟心苦六尺孤存梅豆酸薄命
無愁聊賦媚東君別鑄鐵爲肝

續落花詩三十首

自冬徂夏泝落沿開拾意言以綴餘緩閒愁之屢
互夫續其贅矣贅者放言者也意往不禁言來不

樂閑或無託愁亦有云是以多形似之言歸於放
而已矣

噴水低垂帶影雙情來奔影委流淙浮浮終隔相思浦去
去空沿解佩江輕薄自矜雲想袂閒愁無那客臨窗懷貞
唯憶東籬伴青女相邀死不降

青門祖帳太荒淫春已迷陽可陸沈躡險擬看沒字碣涉
園聊對無絃琴梅知解紱宜名福華不揮金舊是歆風御
泠然踪跡遠但憑罔象試追尋

啼禽屢說不如歸占取三休第一機莫管柳枝穿鼠臂但
隨陵鳥化鼃衣幔亭錦繡仙何有寶瑤珠瓔佛亦非流水

還霑餘粉在迷香仍使寸丹違

春老誰生此甯馨流霞妬色月爭衡無愁綵仗迷天子不
夜春城背日兒泉涌珠璣供涕唾河傾金桂事煎烹臨風
一笑酸寒叟酷愛秋英得久名

雌黃削迹罷參訂

特丁切

幾問姚皇判尹邢炎德已成編腐

史白華無字上葩經春光漫數六身核月影無疑有尾丁
偷眼蜻蜓今遠害入寥天一學鴻冥

輕盈無問少年時脫卸瓊瓏老更奇鵝鶴魚麗隨羽扇朱
干玉戚轉旌麾慙惶剪綵尋行墨杜撰空花擬合離無數
春風拘不得掀翻菽圃更憑誰

將軍畦下久歸來狄相門前有未開吾與爾夫分用舍公

無困我試風雷黃冠紫陌千株菜趙女南山一頃萁拾取

殘英能幾客杏壇凋謝赴王駘

雜語公無困哉漢書引之哉作我

宿莽餘芳總一邱安能鬱鬱望山頭人分南北朕焉往目

異關河我始愁誰與蟲尸忙萬蟻聊拚頸血躍雙鉤到來

瓜蔓殘枝在花雨臺前粉黛秋

有時寂寞墜開雲忽爾如驚舞鶴羣陸海潘江皆錦浪易

奇詩正各丹墳無勞粉本摹春雪一儘零香釀夕醺肉眼

不知看活色尋苔捕草漫紛紜

蝶嬾鶯慵燕自諳怪來春睡付朝酣香烟專寵今無敵展

齒欺紅了不慙九轉丹飛殷七七再來果前後三三含情
留得眞眞影躡上吳王八繭蠶

濫試東君清夜遊曼延初罷進藏鈎搖槌急點黃幡綽面
具妖裝聖獸頭金豆紛紜拋玉甃銀船歷亂倒香幙雙鬟
何似吟秋水雲漢胭脂浣賦流

彩雲歛條散還休欸欸縈縈倍惹愁嫩蝶攀援疑借蕊狂
蜂輕薄詎安榴徒鑽故紙唯糟粕欲埽謔書苦技讐一洗
青林煩夜雨白蘋碧杜亦芳洲

道傍荷鋪笑勞勞使速營邱泥似糟身世無餘鴻過雪人
天莫問雨成刀偶來震旦何人國漫展雲衣某甫臯

胡刀切

一笑自將船子棹曲終不見杳春濤

情與非情法喜圖清歡禪悅有中無不容迦葉稱初祖微
許林逋作故夫春有秋心消蟻臆躡合潛理戲驪珠知音
近託虞僧孺溪上閒吟影共癯

爲歡凡幾恨偏長九夏三秋未遽忘螢作流人悲故苑燕
如歸妾憶新粧鵲橋難乞春留巧蟾魄空圓影失香桃李
明年知別用一匙社飯好思量

嘯起爭寒寒不勝春風得意忍憑陵三分無德依殘萼一
木空扶笑古藤香埽歸塗偷日射魂隨雲路矚天登青陽
王氣今陽九花史新書上墜崩

遲暮閒情看一圍衿露疎雨涼斜暉聊過柳徑邀輕絮共
趁鞦韆競舞衣芙蓉幾留就宛轉桃飴欲惹滯霏微相逢
歧路莫相妬曾共西園聽秣歸

珊瑚欲下故來遲賣眼驚颿萬片齊絳雪回風依樹急繁
星隕雨貼天低三春捲土終無計盡日何心獨向西戀萼
黏鬚無限恨懸知此去隔雲泥

狡獪蒼天可諡荒拋紅日擲萬錢忙小兒強汰閒情賦顛
史癡滴藻火裳甲煎去聲香傾熏夜帳魚鐙藥炮闕陰房勾
芒倘課春功最罪過風流故態狂

車笠公欺竹柏盟翩翩故學魏收驚雕蟲投閣羞童子傅

粉全軀媿老生競賽新縑愁舊素欲芟白俗奈元輕紛紛
半入江雲去別構人間一錦城

賸粉莫矜夙習妍段師棄盡舊鴟絃穠華製改西昆體老
大名留南部烟舊愛新愁分一豔身前影後得多憐愁子
眇眇雲中子卸取徐妃半面鈿

黃紬晨放錦官衙隊伍來回靜不譁開閣朱殷添畫檠擁
堤香軟護平沙雙綏蟬翼飄輕帶百首鷄胸吐綬綱蚨蝶
胡孫勞慶弔香車明日過誰家

漫天撒地莫相嘲誰向春風得繫匏入幕髡留依畫燭同
塵頤指聽吟鞞梅交隙末損三友果筮離羣剝上爻和露

倚雲爭早晚芳蘭何事把瓊茅

旁午爭迎社燕斜參差月影亂啼鴉新虹濫賜纏頭錦蛛網曾封繫臂紗自捉狂夫誇拂舞不知遷客怨琵琶定誰解作微塵觀細看雙魚蹴浪花

煽豔三風如此臘濤輪曳尾胡爲乎三英秀豈留朝菌十里山聊遠蟪蛄天已喪文悲鳳凰人皆集苑忍烏烏浮湘特弔蓉裳客鷓鴣先鳴鵬止隅

老饕排設待煎酥鐵腳生吞氣愈麤白小禍樞延草木飛鴻生趣在江湖脫離蛛網文亡害徼幸蜂王稅可通猶有餘香飄一縷怕留蹤跡索倪迂

載美千秋讓子皮錦涇娃館亦奚爲杜陵赤甲詩偏苦按尉燕支數屢奇椒殿恩輕除閣畫雞坊人老憶園梨流鶯喚醒櫻桃膠高座談經香雨垂

雲裾雪袂故心空剪綵鏤金莫惱公瓦雀學成雙影轉來禽分得半腮紅夜深鐙謝收蘭燼曙月光殘捲桂叢留取扶疎邀沆瀣膠青一色寫春融

蓮冠何礙切雲遊鳩眼無端側目愁繡口久知壓沈宋梅羹向後任孫劉白茶紅蓼今承乏燕麥龍葵舊有秋乞我逍遙名亦辱桑條裾惹斷雲羞

攀條不耐冶遊饒絕世幽情早自緘鶯綠尊前除卯酒猩

紅橋上謝春衫南枝先挂西歸履一葉輕飛萬里帆閉死
玉棺強葉令蛻香何似碧天函

廣落花詩三十首

禮曰廣魯於天下魯不有天下廣之以所未有也
以情廣之也跡所本無情所得有斯可廣焉夫落
悴而花榮落今而花昔榮悴存乎跡今昔存乎情
廣花者言情之都也況如江文通所云僕本恨人
者哉

惠風習習柳陰陰只此閒愁警客心昔以視今悲曲水物
猶如是奈江潯素箏如怨歌珠斷玉筭疑催燭淚深亂撲

紅顏都不省待霑華髮可知音

萬斛春膏爛似糜鎮將黃葉惱嬰兒吳王洲上英雄淚工
部潭前客子悲隙影早知同塞馬錦衣何用慕文犧平泉
過眼空苔石竹綺還堪樂鳳飢

情知不住若爲留顧我嫣然笑上頭春老無人隨少府風
欺一倍感商州寒禁荇藻憑魚計傲寄菜萸緩客愁祖綠
帝青添幾色新陰還得醉雙眸

我所思兮在桂林征鴻回翼杜鵑瘖荔丹誰遣霜風吹珊
紫長依海水深言鳥嬌能憐蔻孕舶香妬不損檀心從過
庾嶺聞羌管雨替風凌直到今

踏草情闌長綠苔南園近日賞心灰紅牙倦理迎頭拍綠
髓唯傾婪尾杯茵聚憑將揮蜀錦蠟封留取貯商彝典刑
猶在誰堪託玉茗聊看隔歲胎

春王推戴詫魁功生殺乘權速轉蓬落魄早知虧月滿取
精應悔竭春忠楊梅孔雀丹心別金谷河陽白首同新綠

可知霜刃在盡情還與逼殘紅

文舉德祖雖隕賊手所錄與安仁季倫之殉南風遠

矣下首廣此如嵇紹者不死晉焉可也

等是殉春亦待勦標梅難比二桃甘風流有主堪捐珮雨

涕無從得解驂蕞蕪兩階辭舜殿芳蘭九畹萎江潭湯陰

衣濺丹痕苦僵李徒勞代亦慙

堯階蕞蕪虞不復生豈亦悲禪代耶

桃蹊莫但惜春過任遣餘芳恨亦多月白風清秋不淺參
橫斗轉夜如何丹楓萬點飄霜紫殘雪千峰消素螺臨水
登山皆薦淚定情意不在雙蛾

并門閉目奈愁生幔捲簾垂兩不平百歲回頭三月雨萬
端到耳一聲鶯貫休死愛香風吹和靖難忘疎影橫刪抹
豔根須有此荷絲雖鍛也相縈

飛光煎壽箴英雄鬼豔仙才委巷風白也魂歸關塞黑虞
兮騅泣固陵紅玉樓賦筆還天上鐵束經函銅井中多幸
天年樗眼白微眠長日據樽絨

蜀國海棠七寶粧揚州紅藥一樓香阿麼夜葬雷塘曲花

藥春望玉壘長雨意迷留爭冷暝雲鬢消受到興亡閱人
多矣青青樹獵取秦封偃蓋涼

萬重如壘逼斯文大野天窮吐玉麈誰解喟然歎點爾但
逢興也卽箋云狂歌唯哭支離叟酌酒相邀真漠君寂寂
伸華應笑我雲臺春老不書勳

乾淨青莎一片陰君無去此豢飢禽人生自古皆惶恐天
下如今半綠林暝日終風舟汎汎水深河大雨淫淫舊家
枝葉同鄉土好聽黃鸝作羽吟

正竟須飛悟得無榮期春去亦童烏寒催直北沙如雪暝
滬江南雨似酥畫檻鈴流譏乳鳥青垌金澀恣驕駒零紅

堆繡雙寂寞張單何爲各守株

尋向水邊山外山輕烟羃歷有無閒纔過楊柳陰陰岸又
度茱萸曲曲灣小憩愈愁前路杳向來悔不隔牆攀歸遲
怕被遊人笑摘得青條帶葉還

棘胷苔緘轄網封還披密篠問遺蹤三山空在雲千里九
處堪疑翠幾重菡萏留霜粉膩薔薇髓滴露香濃楚官
寢已無尋處祇對巫陽暮雨峰

色香之外有誰能妙影輕姿記得曾幾點烟橫吹鴈字一
江風起亂漁鐙雲根無託依貧士軟觸難忘惱定僧世出
世中俱不受六銖衣界自飛騰

消心獨有豔難刪游戲無端偶破顏蓮社帶醺逃梵網華
陽揆藻恥仙頑揮絃送目隨歸鴈見月開籠放白鷗此意
非然非有白鴻沙羚角故相關

岸移月駛定誰眞花住花飛臂屈伸奔馬難追昨日影神
輿早屬後車塵霎時雨警二更癡大力舟藏萬壑春認得
白沙詩句好劉郎莫問舊漁津

欸欸分明下砌除燕指風起漾池墟參差難采中流苻游
泳空邀靜夜魚柳纜無因維野馬蛙吹何當享爰居同心
唯有青天月到處相逢影一如

今夕何夕春云徂子規啼月宵欲孤銀燭一夜燒易盡珊

鞭詰日踏已無後日青枝獻生子當時絲勝澆屠蘇榆錢
虹錦買不住何況十萬銅青蚨

杜陵顛狂惱不休滯翁含笑增春羞他春未必如此日枝
上而今已陌頭青山一靜似太古黃葛雖鮮難順流韶光
轉轂無終極辨此何爲不散愁

天涯天涯子安歸金門繡嶺春事非元鶴毳羽昔君子班
管暈痕舊帝如彌天無土葬香骨過雨有人拾象璣浪遊
滄海意不息爲倩東風擊蝶衣

鳴鳩乳燕歡晴酣清曉躡屐補春探半塘影失謂萍亂曲
岸香添疑鳥含回頭冷藥開無賴拂袖狂紅委不堪小閣

莞爾語蠶妾唯汝柔桑獨蔚藍

息夫人看終不言黃四娘家撲滿軒柳絲團馬暎如意梅
影啼禽冷徹魂雲中任逐淮南大腐草雷歸湏峽猿百舌
珊瑚不稱意周傷浪爲呼煩寃

江渚山椒洽比鄰分飛接迹勞逡巡關河萬里戎王子楚
漢千年虞美人沈炯自泣茂陵樹庾信長哀江南春人間
有恨皆搖落那向西園淚眼頻

高田小麥凋穗黃君胡蹠蹠理征裳春江勞勞客易散秋
渚迢迢夜未央綆斷銀瓶空井底瑟分玉柱愁高張海山
家在鶯啼處無計日歸空黯傷

風末雨餘悄欲停須臾如慕訴春聽白日不肯香流水黃
昏取次亂飛螢舜華得計避霜色漢柏偶爾逃天刑三歸
臺上蕩舟相旖旎居然天性靈

嬴皇兀山輦金埋千春粉黛消秦淮芙蓉無數蝕寶劍鴛
鴦豈但圻金釵三月通閨只紫莽五色欲補誰皇媧一聲
舉棹唱年少玉樹歌終泣越娃

王莽紫色蛙聲餘分
閨位戲合用作句

昔日家園春始闌衿衣愛點丹鱗軟塵從踏青門道紺
雪頻侵霜劍寒漸老已拚消槁木送愁無那翻紅湍寒潮
暄暈青臯路干臈如泥不耐看

寄咏落花十首

天地指也萬物馬也蝦目水母也寓木宛童也卽物皆載花形卽事皆含落意九方歎專精而視無非騏驥者苟爲汗漫亦何方之有哉八目十咏猶存乎區宇之觀也

聽之無聞下蓮切杳希夷可左池符威切兮可右移丹竈烟輕

飛武火明窗塵細弄嬰兒動而愈出弱頻用失亦若驚辱

較宜氣母欲搏搏不得流珠常惜去人時

或奔月窟或天根雲鬢晨晞玉女盆榆筴含刑月在卯黃

芽出險卦臨屯流烏亭午無留影願兔中宵失暗痕一笑

三峰癡姘女殘脂斷粉弄精魂二首元理

藤倚蘆交兩不關星星石火迸焮爛一時齊現…三點諸品無餘道入還枯木何妨春色暝絮泥卻遣柳枝鰓牛頭鳥散無消息柏子庭前翠色閒

若人以色以聲求捏目空中樂主樓安養霎時清且雨雙

林依舊夜星流獅王亂擊紅顏定鷺子難忘芳餌鈎爲問

靈雲能再見剎竿正倒不須愁二首禪宗

下帷空閉仲舒園入幔偏依寫韻軒硬搗雲磨蟬翅薄偷

臨天馬裏蹄翻回波斜展侵飛白釵腳低垂帶漏痕閃霍

纖腰頻斂鍔祇應渾脫學公孫書品

連枝多事笑邊鸞蛇足黃荃夾羽翰巧染一紅修竹倚閒

添數蝶馬蹄安赤龍睛點欲飛去并剪霜裁得半看可是
所南悲地坼空中幻出國香殘

繪事

疎從掠勢密侵邊一道斜飛綽欲仙小逕貪肥成聚五南
枝得意占長先傾筐七子垂能幾買檻千金墜可憐桐井
正翻轆轤影獨兒蹴損不成妍

坐隱

暝釀雲封香不扁半拖帘影出郊亭一江酣熟宜中聖萬
歲春闌且勸星病葉懶飛相枕藉暈潮新上舞娉婷梅霑
消盡石榴後鬪恥還傾酢百瓶

鵬政

峭寒生倚老拳狂殘月如探赤彈忙白打翻騰矜鶴翅紅
粧綽約罩梨鎗排場別樣飛繩技黃閣微酖效拍張朱影

半星揮雪練一絲血縷染輕霜

劍技

步障雄誇十里圖銷鎔日夜費洪鑪絳纏秦樹王元寶黃
瀉河流馮子都罌粟紅陳身化蝶榆錢貫朽血歸蚌錦官
輦載勞春駕未必千金不死塗

貨殖

落花諱體十首

楚殿濫觴賦成蝨胃柏梁步武咏及妃層豈但工
部詠諧黃魚烏鬼抑且昌黎悲憤豕腹龍頭諱有
自來言之無罪乃凡前諸什半雜俳詞徒此十章
顯標諱譽蓋度彼參此之爲尤斯責實循名之有
別也

游蜂大嚼過屠門又顧他家郭外墻唐突西施從喝道詼
諧南阮任攤禪摧香麝父同羌管殺景酪奴傲酒尊生遣
紅裙噉白苧蓮芳何在棗甜存

隔院投梭作意熬當筵脫袴太無慙中流驚剪支腮赤黃
閣愁逢滿頰藍棠棟有兒皆四海金錢疑鬼耗雙南堪哀
堪笑都如此譜入悲田細與勘

將謂拋餒接建章糖糗團粉兩郎當低基子下千林雨趁
韻詩成夏日霜酒伴賞闌秦客逐園丁趨視宋人芒狂奔
一夜投天棘七子空懷黃鳥傷

蒼蹕將旋趨急差程透夜走金牌夕飈苦奏三聲角雨

點先催兩部蛙棘矢桃弧爭葦路丁香豆蔻總瓊厓謂萊公丁
謂溪流難潤追陽渴驛路春風輪可埋

一片青郊戰馬悲牧童難認酒家旗衣裳雲想俄蒼狗劍
佩星迎總雪獅花史擬修濡禿筆驪歌欲唱咏刪詩待拚
爛醉忘離苦烏有青州一漏卮

豔籍黃消飽白蟬文章水面付浮沈風狂矮李思捫漢雨
苦寒齋學捧心錦縷毒逢驕婦笑嬌英嫩死屠門瘖莫誇
黑牡丹無恙斛音求角還逢踐鼠侵

戲來真不惜驚鴛浪打飛丸惱鴨魂風箔一天金世界藕
絲幾孔鬼乾坤無端破瑟分清怨未必聞琴亦夜奔見說

武皇春陣別紅裙撩亂蹴狂髡

因風放金箔一日而盡
千金見王宇泰筆塵

禁得寒暄幾度移熱時且趁笑垂垂
眞成草偃迷南北浪借風吹莽唱隨
病裏觀濤爲客起酒醒謝妓怕天知
芙蓉漫道眞君子只恐奔車無伯夷

金錢且賣曉來紅笑殺優曇老凍膿
葵足偶然逃羿穀蜂脾甯我負彭蟲
河豚拚得楊花命磨蝎生逢驛馬官
莫爲舜華悲壽夭草間活者白頭翁

司春眯目腦冬烘曳白教飛十里紅
三五阿婆曾莽撞八千淚眼盡寒窮
昌圖驢弱官袍沈賈島墳乾金粟空
瓊璣曲江聊一打韶光落魄意偏雄

補落花詩九首

九十維期已合春陽之數七言載咏還拾花史之遺補束皙之亡義諧小己續靈均之九無待門人漏一成奇將無才盡虧虛乎百良亦道窮此帙之登逢秋斯暮月寒在夕葉怨於枝愁抽管而橫陳思紛紜而卒亂或待良和伊始佳藹重榮迓芳樹之葳蕤暄情旁發邀勾芒之靈寵勝事仍修然則紹未濟之終彼其時也嗣獲麟之筆今何有焉倘爾長乖緘之永世

乘春春去去何方水曲山隈白晝長絕代風流三峽水舊

家亭榭半斜陽輕陰猶護當時蒂細雨旋催別樹芳唯有
幽魂消不得破寒深醴土膏香

基聲院靜綬苔勻柳色樓高點幕頻開徑雨餘遮草嫩捲
簾寒淺送香新重拈欲辨開時樹細數憑占幾日春直待
深陰藏宿鳥循蹊猶覓錦鱗鱗

生不辜春死亦香飛蓬蓬簿漫輕狂笑人雲袂仍泥滓奈
此瑤肌夾雨涼榭館無心隨上盤仙舟有約屢依檣江干
鶴瘞千秋伴共怨人間甲子忙

又見扶桑一度凋閒愁無奈只春宵珊枝沈海初無葉寢
草遊仙舊有苗敲髓何方尋白獺留香不久駐虹橋似聞

旌節開天上望裏雲關謝豹驕

記得開時事已非迷香逞豔銜春肥盡情撲翅欺蝴蝶塞
耳當頭叫姊歸桃李畦爭分咫尺松杉雲冷避芳菲留春
不穩銷塵土今日空霑客子衣

情到蒼天了不關酸風鉛淚射朱顏荒邱自古爲華藏白
骨從今改翠鬢銅雀香分尊酒帳錦帆楓冷苧蘿山東飛
燕子成何事長日猶營舊壘間

莫將舊價問千金下砌蕭蕭敗葉侵萬紫向來空識面寸
丹何地覓知音梅魂不分春霑苦荷怨難平曉露深脈脈
菱花別有意青銅留照閱來今

應跡穠華早出泥知音丈室淨名妻寶簪不上團花髻錦
片長隨采藥溪鳳翥有心依竹葉蝶飛無色上棠梨逸情
交臂多相失求兔何勞問舊蹄

來何所見去何聞儂白珊瑚豈爲君南北東西誰國土青
黃赤白舊斯文靜憐彩色驚朝日遠引閒情入曉雲擲與
餘芳遮世眼逐香勞爾鼻氣氤

落花詩終

遣興詩

夕堂戲墨卷二

船山遺書五十四

衡陽王夫之選

讀甘蔗生遣興詩次韻而和之

者回自別休道是望州亭相見也烏道音書無從
通一線在歸者有人著書說西子湖頭一佛出世
罷參向南高峰去心知其不然湖光山色儘一具
粉骷髏淡粧濃抹和哄者跋漢不住又安成程大
匡書來說五老峰前遠公延客庶幾或爾乃今又
在盧家狔獠西隣煨折腳鐘春雲入亂烟不可揀
取大要在一瓠道人鼻上弄鼻孔作癢得此詩者

又是一場懨懨今春有杜鵑花不覺到鐵牆拗王
君延我人新齋爲他和石灰泥壁忽拈一帙詩沒
其所自得教認取誰家筆仗卒讀久之乃知是者
跛漢玉君笑指石灰桶說尋常謂道人認得行貨
今乃充此物經紀眯着眼看秤斛耶者是十三年
前借山在靈谿所作逢彼場中作彼雜劇今來則
又別須改一色目演馬丹陽度劉行首唱曉風殘
月矣想者跛漢白椎又換借山在一瓠鼻尖上安
單一瓠在借山眉毛上厝鼎雲淨水乾黃龍出現
黃龍蛻角水漲雲飛打破者皮疆界是一是二時

節因緣且與還他境語於是爲次韻而和之不能
寄甘蔗生也爲之悽絕癸卯六月望茱萸塘漫記
兒戲搏沙造化工楊花飛雪舞來同東晴西雨雙虹斷海
鯨江鱗四月通有興但拋碁一劫無情憑唱曲三終清風
半港留難住笑爾諛諧柰爾窮

情絲未翦不嫌癡槌板留歌薤露辭針劊古錐深見血線
分絨縷細成絲踏殘馬足霜寒後叫到鷓鴣月落時元是
百花尖上雨春歸憑此泣青枝

龜蒙未畜解言雞仲子難栽傷井薇莫向楚秦伸屈指繇
來籛戚冒妍皮縱橫諸界天皆窄抹直前頭路不疑臘月

南窗西澗菊何須粉本揚皇羲

南郭有心非槁木東方果腹亦侏儒金匏不刮鸕鷀眼
弩矢還留鴻鴈書臨濟老拳石勒飽滄山苗稼宋人愚
鷓鴣生鷺死區區外別灼龜毛問卜居

不是好山看不得西湖遊只許白蘇出緇入素人驚犬洗
髓伐毛我喪吾雪色一天屯凍蛸秋聲萬頃訊寒蛞誰知
落月金風裏盪漾子魂脫影逋

生縛奉先雙腕急曹瞞未是出羣才已知轄鳳妖翎幻難
割泥龍左耳乖覆醢銅青蝕鐵骨無鹽水墨寫桃腮千尋
偃蓋秦封樹總給寒鑪一夜柴

千頃玻璃玉一堆今年窮得立無錐鴻飛沙遠微遮月笋
怨春歸已厭雷聲裏關山酸結果醉中日月大鉗鎚一莖
莖在教人喫角徵宮商聽者誰

紺髮金毫此是真父兮生我大年椿胞胎十月從盤古弧
矢當年射成申瑤柱肌清存海蛤肉尖軟觸笑麒麟江梅
饒有千鈞力截取霜華作小春

斷竹教心何處安佛頭正好與簪冠世人不信扳龍髯吾
道偏須食馬肝癡蝶偶然傳錦瑟彈鶯消得與金丸大分
八字亭亭立擎出秋香散菊團

采苓競上采薇山周士不頑殷士頑蘇峻有名誅庾亮桓

侯無義謝嚴顏齊效莽戲花間蝶鐵網深籠海底珊莫怪
史遷輕節義蒼天雙立闢雞幡

酣睡陳搏之華岳昌黎雪涕強攀援人間死盡因幟業平
地春誰埽墓田蛾命隨緣鐘後夜豹皮留取霧先鞭婷婷
孃孃三尸隊且噉鴻門一義肩

奇章膠異瀆于癮玉播寮非周朴寮痞冷痰寒俱是瘡初
三十八各乘潮宋齊邱賣譚昇藥沈亞之欺弄王簫消受
餘鯖有樓護隔筵中壘漫勞招

石頭路滑跌千交躡險剛餐度索桃珍重智鐙逢室暗淒
涼愚鼓背人敲雷龍百部丹田火風雨三莖赤膽毛淡月

疎星生死徑北邙現在有東臯

冷眼越裳覩海波橫江津吏奈公何人歸洪皓傳邊怨客
散田橫闕挽歌絳蠟無光依鬼火寶刀失計漏天魔參差
記得前春癡繡壁紅絲繫女蘿

高緯暫時稱狗腳劉聰依額派官蛙啄來鸚鵡無香粒舞
徹垂楊有白華女領帶髭疑燕國細腰無牝亂蜂衙蒼天
幻出非奇特走盡銀魂剩得砂

唐宋以前無轍迹龍頭刪角未爲蛇鄰人乞醋兼輸甕客
鬼移頭已載車埋到九泉同蟻語慳留一范禁蟬賒兒童
自笑鄉音改除取機心聽爾擲

三頭九頭誌古皇可容穩牖北窗涼一百六日寒禁火七十二絲悲動商李微嗚咽羞作虎左慈長跼樂爲羊也知秋葉如鴉血愛此楓林一夜霜

已聞嘉魚詩作佛還見仁和今爲僧公今墮地吼獅子我亦延客弔青蠅使君有蜀孤有魏離婁無耳曠無睛夜半失枕明失火眠食兩廢莫相矜

狐皮織葛苧編裘莫笑狂夫計不稠采葢餘香熏茂苑裂緇全錦付河洲醉眠芳草還沾酒險摘星辰更上樓大抵乾坤消一劫達多死認鏡中頭

夜闌風雨攪離心啼鳥荒雞寢可尋春艸漫生鶯不醒碧

天無際月空沈劉晨再到難求藥扁鵲當時憶下針鐙火樓臺三婦豔棠梨邱壟二桃吟

焦先空熬馬昭菴朱泚全添盧杞藍崔允下風輪柳璨劉歆上策笑周堪宜中宋瑞眉高下黃皓姜維意北南張角已消曹節恨夏姬難飽孔雷饒

鋒端有蜜也爭甜淡菜生忘徹骨鹽鬚殼作帆迷纜索蛛絲爲線膩針尖近闌螢過皆疑月鄰院花開只下簾野老向人求骨董平詞匾鼓淚中拈

人間幻出墨胎廉左右方圓畫可兼鶯囀九歌嬌屈子綠肥五柳富陶潛雪中但窖豐年蠶汗後全忘隔日疋百尺

竿頭須痛割泥封汞鼎更添鹽

反走無心怖季咸還柳有客傲蘇耽排場隊裏供千笑折
腳鐺前老一菴五百僧唯推北秀三秦人舊狎章邯瀟湘

春水如天上白鳥高飛我自慙

魚子鼈裙終歲事蜂腰鶴膝暫時心蠹除恣我橫吞墨絃
斷知誰竊聽琴洗面清晨知鼻孔澆花昨日趁天陰劫灰
揉得如泥爛砌向雕梁燕壘深

少卿得意魚燒尾崔浩多才鼈出頭魏絳巧窮工買綻杜
欽智盡漫藏鈎揚雄須死元空草徐鉉無情水自流張偉
醉中悲破甑蒙恬悟後罵虛舟

病趣新來肝化越壯心當日酒如澠流離少好今衰醜追
蠡年深舊歎銘甜苦連根都是瓠肉魚雜煮別爲鯖直方
莫打龜山譜西席逢迎只蔡京

燕反自嗔薪木毀鼠歸空汎用明航

原用桁字晉史朱雀
桁通作航音義本同

寶瓔無力供諸佛巾幗何辭誚女郎食豕食人顏不泚于
羊于蟻智雙降冰蠶浴火如霜雪勞爾添柴沸鑊湯

嬋娟侵夜片雲遮逗漏三星影但賒隴上健兒嗚咽水原
頭和尚武剛車憑醫死馬兜鈴草好上危牆吉莫靴鳥徑
關心如縷血殷勤目送鴈行斜

張超用得迷離霧殷七須開頃刻花碁館兒孫千億劫漁

村燈火雨三家撿殘冷竈應逢豆擊碎油瓶且拾麻旁午
杏壇偷玉璧殷勤雞足護袈裟

歸來魂些元蠶塞若有人兮白馬河半笑半啼分咫尺八
寒八熱一蹉跎從無獵者嫌猩罵除是周南伏鼠魔摘出
心肝人不買搖槌徒唱望鄉歌

一瓠被嗔五鹿角衛公

甘蔗生故字

喫打大臣袍

實事新寒改

樣酸垂足宿痞生根病在膏六鷁退飛爭熠燿孤禽重過
酷啁嘲藕絲大展脩羅殿欸欸蜻蜓傷葉逃

清霜墜葉月當宵似我風流不易描相好裝成活卦影文
章哭殺死神堯黃金肘露衾前雪生鐵牙消飯底焦十里

花飛千步錦繭巢香滿鬧鴉鷄

匡人向後師陽虎伍員先時笑白猿冷啖飲魚心不昧淄
澠別水舌難言樓臺雲閃還成市頭腦冬烘況是天煞認
穎師詩上字琵琶殊勝七條絃

鄭伯區區惜佩蘭爾朱莽莽刈霜菅呪人大費銅鈴語點
鬼多於玉筍班傀儡十絲牽白髮饅頭半餡缺青山千秋
眨眼螢光裏雙脊撐腰碧落閒

李斯犬在難成虎賓孟雞全豈似鸞此處古人目不瞬誰
家田地足能安梁鴻妻偶容眉壽文舉兒甯問卯完猶得
棠梨澆一飯雙眸莫受淚珠瞞

梁燕先秋向海門梨花欲落正黃昏天心放我三竿睡月
暈偷誰五色文捫頸連頭疑贅肉攔腮擱掌認精魂相逢
歧路鴟夷子落魄須臾冥漠君

九錫逢人借羽麾冰山斜倚玉山頽金針偏曙重瞳眼斧
柄難施沒孔槌銅雀春深埋鐵鎖紙鳶風吹哭重圍夜來
魘魅天南路黑塞魂隨驟雨歸

緩緩花隨陌上去娟娟月過故鄉來無人解識孃生面外
道疑懷聖者胎活路無蹤尋九折死灰有馘射三能天吳
紫鳳饒璀璨翦取或堪供穢材

竹篋奪卻拳堪用皓齒凋殘舌在無肉骨分離天不管過

龍埋沒地皆圖雨雲有癡虛神女香火無郎是小姑一任
東鄰烹大武但除白牯與狸奴

梅花撩亂鶯先後魔力爭天挽日車俗客曬禪聊爾比
邱休夏自如如春醪唯滴陳咸土月令閒修守敬書七夕
金烏深斌媚臨河爲贈夜光珠

情關穩塞一丸泥誰許東風浪解嘶李耳老纔知守兌幼
安箠不待占離風流女國眞孤寡晴雨兒天莽笑啼寂寞
剝竿雙樹倒長江蘆葉正當機

乾坤簿上終雙濟甲子旬中剩兩支賣水定逢晉井怒移
山好耐巨靈嗚平明乞火知鐙滅春盡編裘恐雪遲三寸

離鈞鱗鱖從來此曲少人知

鳴鳩報雨當農急蟋蟀吟秋聽暑遲鄭繁登庸僉側陋東
施許嫁不嫌媼當頭一棒毒塗鼓婪尾三臺突厥詞饒舌
新鶯催柳色從來此曲儘人知

我不敢輕於汝等啼鴉血亦寫春融花留鶯子俄天女劍
在胡孫幻老公形似舜瞳猶項籍巧逃羿殼更逢蒙也從
金界親阿逸爲賜銅山餽鄧通

鬘元珀赤舊來松軫玉徽金牛死樹向夕星稀飛顧兔隨
時霜降葬豐隆剛吹楚水三生笛誰打姑蘇半夜鐘一縷
炊烟橫晚照下方人說白雲封

天尊菩薩共胎泥蔡瑁劉琦枉掇梯楚峽黃牛迷象馬華
清蒼鼠訴狐狸狂風那判樵風徑黑月誰分半月溪一枕
草茵吾自適千楓萬柏染霜齊

豫且舉網但張魚勃賀翻身卑類豬嘔笑隨時多失計威
靈到手又何需佛頭鴿糞添鷹畫仙字蝌文死蠹書岸屋
水舟無住處鳥巢窠畔築幽居

松嵐濃染黛橫塗一點當梢玉魄孤細剖香魂邀篆尾幽
尋豔迹記花趺晴雲山色微分派春水池痕巧合符留境
奪人充供養雲林先我寫含糊

六尺茅簷淺覆堦就中矗立九成臺袁安臥處雪偏埽彌

勒來時閣不開康節推成亥子際荆卿讓與良坤埋笙簧
啞盡乾婆殿絡絡松風隔澗來

孟德何知泣纒幃張巡差可聽橫吹無情有恨蓮終落百
轉千回燕怕歸鳩步偶同神禹迹蜂腰狂學沈郎圍針尖
筆穎參差是更揀驚蛇一線灰

老縮黃楊癡妙喜童年苗秀舊終軍六經瘦得蠶成繭七
發留來犀有文偏側青燐燈燄綠峻嶒白髮雪山尊魚游
濠上分莊惠雞唱南塘感逖琨

三更殺氣三刀癭七尺離魂七寶鞍畢戰分哇爭鐵界宜
僚弄技逐金丸浪斟綠醕吞蓬栗細切黃橙膾蝨肝菡萏

已凋蜻蛚散蕭條秋色付誰看

燕南趙北樵者山西牛東勝漁父灣中間如礪不得合兩
頭隨打暫偷閒六眼龜消三覺睡半張鈔買九還丹今我
不樂緣底事謝豹如啼行路難

任駕潘車邀左瓦無如圓鑿對方穿羸政燒書留秦誓巨
君買讖費漢錢鸚母參差葛盧慧蝸牛宛轉科斗篇白玉
樓高臥才鬼遮須國猛富頑仙

小試霜翎志黑鵬生鬢白額倩青腰也知一札穿無力爲
記三山去有橋碁罷花間纔七日雨餘虹線失雙條紙窗
蠅迹毛錐子草檄曾將五岳搖

從註麟書譏敗績難瞞馬脊賣之爰龍標落尾從鼉鼓虎
口翻身祇帽毛楊柳命輕遊子折艤舸福穩吳兒操青編
畫閣難消汝逆旅無烟亦偶遭

有客反脣過古廟驅寒四日送新雛冠分蓮葉紅千浪鏡
合菱花綠半窠褪粉翩翩驚蛺蝶揚灰陣陣趁香羸橋頭
好記歸時路湯煮松風有孟婆

哀梨甜在故無祖風雨陵飛朽骨媧但惜粉香須枕臂爲
貪餒味得膠牙三千僧退孤留佛八九烏生總類鴉廚下
新羹容易煮魂消洗手但蒸沙

尋針死計東洋海失火生緣露地車九曲逕幽知路蟻連

城珠賤報恩蛇魂隨月下琴心立眼透雲中扇影遮烈焰
原頭燒不盡藏春依約綠些些

不怕古今擔不起黑風刀雨幾人當堪胸刮洗能醫病借
面悲啼枉弔喪小可垂簾私望月大都瓦解在休糧還他
炭婦磯頭雪何用濃煎卓菘湯

九首天吳扶不起生憐尺本怕龍傾葛花療醉窮千日櫻
飽吟蠹鬧五更岸幘有頭譏子羽迷樓無酒酌張衡鴟鴞
翡翠同條活莫潤蘭若共呪鷹

花落悠悠鶯佞舌霜寒脈脈雪欺頭樓前已聽歌三疊海
外如聞說九州生死兩丸堪抵鵲雨晴殊候罷呼鳩破除

少府花邊淚堆梁王官谷口休

臧三耳自無三鼻琴七絃容清七心龍講火經珠奪彩蟬
就露味腹高吟靈貓濫配先農食白象殊煩普眼尋邀月
爲歡憎影在碧玻璃蓋滅鐙樹

聒厭黃鸝醉

七故翻

厭相鳥飛雙鳥葉飛杉魚腸壤接要離

冢蟋館源通漁父潭日月龍山拋兩帽音書船子杏千帆
汗青微挂羚羊角大費癡蠅着意探

薜經鋤史飽霜鏤濺血囊頭奏凱兼七制旂常隨羽扇九
州筐篚貢茅檐釀成熊膽甜如蜜吐盡豬肝臭似鼓曾賭
張翁輸雀騎無勞王剪索兵添

鳳衰尺鷃聊棲竹牛鼎烹雞只損鹽粒粟太倉官瑣尾中
流一瓠用廉纖填飢但煮山君掌學啞難施百會砭列傳
他年憑鴈字芸香免被蠹魚嫌

苔林雲繭孰相尋烏篆蟲書枉見侵橫摘孝經窮司馬巧
翻淫呪黝祇林元黃野逐唯君駕阜白溝分記子衿一石
桐油春不了披裘那識路旁金

忘情潤礎候晴微種秫無田罷酒兵老摘兒拳伸佛臂閒
拋鶴膝放龍鳴兜元卷葉輪爲郭安養堆螺頂化生點染
青蠅爭一笑仲繇夜絕楚王纓

荷花忘卻荷葉遮鼓吹左蠹新蛙車鵝兒黃嫩微睨皖鵲

立紅雲捧天斜青蚨血乾誅阿母螭螭隊輦試莫耶黃金
榜射金人眼欲問南商求沔茄

姜桓彭蟲溷寺貂獨孤香飯迎女貓大呼巫覡沈鄴豹爛
煮軒轅賜土臬林蔭夸父已得日河分王亥不如鯨唐珏
無翼銜燕土鮑焦有齒累蠶瓢

龍漢密編何國紀龜陰高築豈畦臺時留虎跡三人笑盡
螯魚腸一窖埋肉店羊頭須別揀窗櫺牛尾莫相哈隨他
竹葉舟中去移取琵琶蕉雪裏來

六息何心化北魚三蹄無技弄黔驢麻皴淡寫懸流瀑之
遠涎收篆壁輸渡海已烹丁令鶴當筵且喫晉公豬分明

四十年來事銀蒜絲絲玉不如

鹿娘胎乳舊分麀氏叟根苗領似羝親見唐堯唯蝙蝠再
來百丈亦狐狸季鷹不是思鱸膾呂雉誰爲諱野雞濟水
應心河應肺雙流清濁夾分臍

拾得寒山共一時袁閱張儉不相知碁填黑白唯餘罽琴
泛宮商別有雌喚盡奈何邀笛步問來不語影娥池丹楓
絳帳青莎館鞭撻吟蛩作導師

荔枝香國漲香風岫嶼

音矩

紅泉泛落紅翁仲鐵肝金作

掌吳剛桂斧月爲容跛夔一足簫韶舞盲漢三更法界鐘
藁飫全篇藏孔壁華嚴半偈出龍宮

廣遣興

曉風殘月唱徹了也者皮腔鼓雷驚花牙板且未
歇煞還與找譚長真歎骷髏月永星閒山長水遠
暫與衰回姑爲已止究竟何如石爛海枯霜刀割
不得野馬也

別峰烟水靄晴嵐病骨差池久罷參短晷恰逢寒九九佳
期誰待後三三藤枯樹倒尋常得月駛雲移仔細勘敗葉
如蓑妨兩翅鷓鴣無藉憶天南

晴鳩呼雨不呼泥一艇流沙弱水西周赧築臺深避債魯
哀徙宅再忘妻塗窮自我魂迷蝶交絕煩誰死炙雞橄欖

蔗漿雙擲取儂家滋味在檀梨

傀儡居然牽得動千波萬折亦何憑駢枝偶舉龐公女折
臂新摧二祖肱濁水月昏菱刺手寒灰春溼菌成蒸何時
期滿桐棺假還汝晶瓶一片冰

爲懷正在秋冬際匠意難忘慘淡中人我眾生誰壽者王
侯委巷一雌風愁唯遇雨憐桃梗怒卽占晴怪土龍踏地
喚天終偏側巫咸鷓鴣鳥兩無功

屢試空拳狎虎癩唯除汗腳入塵糟蓮凋玉井紅疑熱桃
落綏山小不豪親見汾陽吞酒肉傳聞腐史傳錐刀冲天
六翮絲他剪但惜當胸一毳毛

逢人偏我縮齧齧頰印深深漲紫泥乞火就螢池上影登
高揖鼈砌閒梯多情語雀憐佳壻得計屠羊有富妻乍可
吐冰看蜥蜴難禁玩月到靈犀

嫫母妬情因妬色青蠅賺死詎賺生青天遣爾公無罪白
地描他酷不成紂滅且燒天智玉衛存何有木桃瓊火攻
自笑阿奴拙命在王敦那在卿

瘖蟬浪欲惱啼鶯囀囀刁刁底不平諷刺多情非小己文
言無字更繇庚天高略與通消息春盡聊爲弄雨晴把似
破除都教盡千年鶴肉伴雞烹

主言不出吾何死客難徒云世所嗔七國有碑唯詛楚六

經滅迹待亡秦忘憂但記徐無鬼結舌誰知虞有人饑亦
不餐千畝竹斫來濫寫一溪春

蛛絲縛翅莫逡巡一線乾坤九六眞鶯燕蝸蟻分主客棲
琴烏附盡君臣盲人眼外公孫述啞女生前杜子春一把
針尖羅什口九回腸裏貫雙緡

一池寒水清如露影取千山柏葉丹畫鬼易工愁狗馬分
龍莫問渴魴鰈石田滯穗埋頭拾長夏新梅入寤寒書史
不靈天亦杳惺惺一招印癡頑

當年不爽絲毫汞猛火燒心可自探借得金鏈忘錯誤烹
來石鼎記酸鹹貪栽苜蓿程生馬客子柔桑蠟似蠶姬歌

孔芹舌底事世人浪說待回甘
一條卽栗千峰雪寒在眉梢暝在肩
電口笑看霜汁雨冰
繩涕墮凍膿天侏儒苦怕鵬銜去
醉漢何妨虎過前
別有
元關人不到桃花片片逆流還
游魂非吉亦非凶紅爛骷髏白玉容
未灰且隨生老病悲
秋不舍夏春冬佛牙反碎羚羊角瘦骨難留獅子蟲
七尺
肌瘡痂脫盡深慙無物餉劉豈
誰把灰堆一幅張并刀誤剪半淋江
梯山航海中流漩繡
嶺花門倒影幢大宅火爭焚寶所無
家別卽孕蓮邦石人
雙眼眞胡越玉筋猶輸五百雙

火裏遂雄蕭相國高山還戴穆提婆
雀兒有檄傳參政鬼
母無言聽祝鮀鼈項不伸蟲浪嘍蜚
丸日螿蜚歡歌肺腸
剗盡還鄉客殊費人間萬斛雌

鍛錫稱公伯亦屠黃泉子母盡人夫
主賓奴虜棒三十砂
汞銀鉛火一鑪藕孔有絲愁易露虛
空無相不難箍當時
誰釀狡猊乳大地難消一滴酥

芙蓉愛秋只愛灰杜鵑催啞漫催春
李耳出胎無少壯圖
澄入滅更酸辛覆舟肉脯歸無路繞
臂金蠶嫁愈親鷓鴣
鷓鴣各明眼胡孫蛺蝶已翻脣

一折一波皆絕倒依稀鴈字看橫陳
久將六義衰丁卯別

有十香溷乙辛竊屨無勞師孟子棄灰誰得侮商君松梢
玉露垂珠琲獨點草編過小春

噉句矛頭頻浙米老顏花下且攤禪三年病飽禾花瘴八
口糧賒牛尾瘟窮自討天酬駿骨飢難掘地種羶根銀蟾
一顯河山影識得蝦蟆不是冤

不知寒暄通身血莽御罡風把戲竿笑罵好官皆蝶癡英
雄孺子一蜣丸三焦苦屬安金藏片舌難如公玉丹大禹
智窮入裸國春風還在脛毛端

挑鐙契闊交雙睫畫被縱橫作十洲秦水無魚癡釣渭瞿
塘如馬穩乘流披麻斧劈皴皆可點漆丹砂果自繇一笑

癡中還說癡三更頭上與安頭

齟齬猶騰笑口高無須注目孟勞勞史遷誕亦疑巢許阮
籍狂雷罵懿操小覷維摩須借飯深讐蒯瞶未分桃何當
細語趙宣子桑下壺殮莫餉檠
蒼天哭殺西來意爭似天津看弄猴述癡終愁多蹇澀將
須自悔不搜搜芩連難抑虛腸火脂粉徒填色眼溝誓把
一鐙燒棧道蜀王無迹問金牛

半綰猶存活氣呵泥龍愛雨莫嫌波三生鬼死還成畢一
尺仙高舊惹魔粥飯充腸從背餒塵沙侵眼幸睂多龍門
無事須燒尾只此當簷挂雀羅

愁眉恥爲生緣鎖笑口難於死地開一榻蘧蘧還栩栩三
年瞿瞿九遇切復梅梅龍生九子餘鴟吻鮫泣千行對蛤魁

勸勉祇煩銜草鹿慙惶無那祭禽豺

一癭已驚還一癭邯鄲雖好只邯鄲長延鳳頸毛空刷已
竭珠胎淚半殘新齋更逢壬子破微霜難似甲辰寒耳輪
冰冷還潮熱腦劍滿奔又海乾

花萎香檀草自憂憑將托鉢笑寶頭門東但哭耶孃飯天
際非迷賈客舟卽遣金棺重露足應知畫餅不充喉兩堂
漫爲貓兒關頂戴芒屨代汝愁

離鈎有信脫金鱗神蔡莖毛重九斤瀉仰一鐙親父子洞

曹五位舊君臣波心蘆葉催孤履海上扶桑乍幾塵佛血
自歸佛法界彌天歌利儘魔軍

莫將馬角望燕丹合用狼淵警范山石虎腸原難洗滌盧
蒲髮已向凋殘隨拈贗璧都歸趙一亂眞雞且度關幾尺
天低驚謝朓三更雪敗賀袁安

古人如我我如渠影不相如畫偶如無臂無腸非蟹黨不
鱗不介寄鯀居寶難誤識穿墳蠃淮雉疑同化鼠駕芻狗
膠中輪輾足墨胎相掖土奔輿

不將落葉認秋凶老淚慵垂笑眼中他日夜臺眞畫錦片
時春賞暫冬烘人間世且游若士天下圖其授馬融除卻

死生吾與汝看誰白戰是英雄

擔頭舊賣雨霏微錯惹桃花撲岸飛縮項鯢能師鼈智食
心蟬不慰蝗饑播間鬼食乾餼德牛口妻□伏卵悲待奪
耕夫黃犢子一溪春草襯蓑衣

小東臯

稼軒別墅

畔古榕邊飛鳥遺音到耳喧爲道攀龍邀七

貴更聞牽犬守三川參差猶認分杯膽點綴初分各竈烟
黃鵠當時磯上月從來一棗醉孤仙

向來無病學呻吟色色悲秋夜夜砧板柘且求軒后藥操
舟姑免項王暗王孫一飯辜淮肆弟子三虛謝孔林朔雪
不摧曷且羽長隨彩鳳嚇飛禽

盡斂千眉入醉

七故切

罨眉尖有事也分明東陵雞漫催人

起陽羨鵝容載我行乍喜青天遮兩眼喚誰白日打三更
南鄰酒伴差相識鶴頸截來短亦鳴

瞿曇共命偏調達盛憲長年迷孔融爲遣汾陽營李白徒
教夢得誚桃紅山頭鷹眼留匡術鄒塢人膏染蔡邕宰齧
病原依伍員文淵傲不怨梁松

王戎鑽死於陵李爾子分殘曼倩桃花鳥新來皆命薄蛇
龍此日足功高蕉邊瘳亦爭秦鹿槐下魂猶嗾晉葵只遣
狂夫添白眼攤錢三峽狎奔濤

充耳還餘龍角幽花趺不奈蝶鬚樓鶴鷓苦呪孀妻土盧

雉偏明嬾婦油月令丹良羞白鳥天情須女狎牽牛相逢
幸得方今日荆軻無冠萬髮柔

猶有村醪醉一杯酣酣鼻息雪中霜臂肝蟲鼠寬簷帽齒
舌剛柔破艸鞵冷葛毒偏肥孟德海棠香只醉淵材黃金
鞭落新春額放出泥牛臥綠苔

縛飢篋用千尋竹補衲毛看一寸龜無處捫天求口耳有
時向佛索鬚眉寸絲脫盡雲爲繭壘浪橫行水有皮幸剪
豐干如鴿鴒間邱無路得相知

千年無壽看妖狐半夏多辛飽鴟鴞隱語闌斑藏大鳥短
歌慷慨唱南烏莊鵝無意逃廚婦魯蠶猶工射僕姑見說

語兒溪畔語蠹魚乾血碧模糊

禦寇新來免十漿海鷗爭席只滄浪齊王已足一千跬李
相姑留五百羊慶喜佞兄唯相好丹霞燒木更威光前身
悔住青龍寺博得窮塗一棗嘗

卜肆簾垂去建陽誰尸朽殼間行藏逢人徧握凶年粟顧
我元無續命湯鼠變不妨堯畏禹羊亡自覺穀賢臧障泥
拚取前溪滑夜半深池縱瞎韉

姜維宏演同肝膽孫楚黔婁共枕衾阮籍狂纔聞鳳嘯駱
丞囚得伴蟬吟禰衡壽等龔生天東野鳴傳豫子瘖井底
史留坑外字秦廷筑和雍門琴

救日勞勞走嗇夫上天脈脈憶羣巫火城莫保裴中立水
陣長悲李左車高會不成誅宋義貧交劣得失田蘇竹玉
一曲祠今古山鬼旁招魂有無

擊仇魚笏賭姦袍儘不如他也自豪何有蒼牛腓后稷情

知喪狗異臯陶本音如字石難與語酬開府錢不能神福魯褒

他日無煩來犬鳥杜鵑春已到花梢

覆窠無改伊風子笞箠繇來元漫郎竄亦黃能憎屈姊臥

猶韋虎傲蕭娘三莖雞肋嬰臨濟百轉鶯喉和帝江欲翦

鴛鴦雙袖落郎當鮑老臂原長

一合單提千合合不除狂醉只除醒垂楊左肘飛花絮腐

艸餘滋幻火螢枳棘芝蘭同土壤國皇月字一辰星鍾情
我輩聊如此瞥眼他生固不爭

造次看花須看葉分明奪眼不奪睛絲絲香篆縈空溼溼
潑江流盪遠晴一劍殺生生在殺五更惺惺癯元惺空窠
蜂子癡如醉泥礪元輪嬾不矜


爍火鑪邊縮蛸毛猶賢擊楫唱離騷頭風莫與陳琳檄腹
疾無庸叔展號春癯半醒逐婦鳥岳雲抔土抱孃蒿殺機
夜半衾前動捫蝨思援斬佞刀

慵將奇字溷侯芭一卷軒轅鼎內砂擬聽揚干誅魏絳不
隨荀勗妬張華胡兄煮死誰宜弟厲子宵生且似耶留取

神臯開五葉愁提鬼掌賣蓮花
會向孤峰駕一航他家浪道木犀香通身是口雲藏日劈
脊當心雪上霜捏碎函輿仍捻合單提雷雨與分張烏元
鵝白明看汝嬾學新秋架鵲梁
且聽冰霜冷萬家凍禽贏得喫梅花春風隨手成紅錦朗
月當頭到碧紗蝦島鯨城疑海客黃連白蜜信齊牙香飄
第二月中桂慙媿張騫問漢槎
眞陶潛外無陶潛藥價如虛減亦添艸履猶能名不借芻
靈何待與三箱葵無定影疑天恕桃換新符怕鬼嫌自是
聰明塗已盡飛魚空笑上竿鮎

冰蟲無分夏陳尸且救頭燃迅速時說火猶防燒象齒分
波不管攫龍兒李陵恩重頻攜手陶令緣慳但皺眉待廢
公孫堅白論孔穿無膝拜臯比
微吟卽遣暗蟲驚齋語繇來撻不成舊學刑書墨荆劓新
懸樂筍怒飛鳴法筵道得猶三棒地獄難消在一莖略向
東風賒斌媚還逢百舌禁流鶯
方春兩眼不曾飢飽揀花枝到柳枝哀樂無端生殺外河
山有樣去來時狂夫顧笑難消汝啞女當歌擬倩誰何事
延陵觀樂客強刪苗黍下泉詩

遺興詩終



和梅花百詠詩

夕堂戲墨卷三

船山遺書五十五

衡陽王夫之撰

上湘馮子振自號海粟當蒙古時以裨闔遊燕中
干權貴蓋傾危之士也然頗以文字自緣飾亦或
與釋中峰相往還曾和其梅花百詠中峰出世因
緣爲禪林孤高者所不愜於馮將有臭味之合耶
隆武丙戌湘詩人洪業嘉伯修龍孔蒸季霞歐陽
淑予私和馮作各百首歐陽炫其英多倍之余薄
遊上湘三子脫藁一卽相示並邀余其綴其詞旣
已薄其所自出而命題又多不雅馴懼爲通人所

鄙戲作桃花絕句數十首抵之以示鄭重未幾三子相繼隕折庚寅夏昔同遊者江陵李之芳廣生相見於蒼梧與洒山陽之涕李侯見謂君不忘浮湘亭上盍尋百梅之約爲延陵劔耶余感其言將次成之會攸縣一狂人亦作百梅惡詩一帙冒余名爲序金谿執爲豐端將搆大獄擠余於死不期暗香疎影中作此惡謔因復敗人吟興抵今又十五年矣今歲人日得季霞伯兄簡卿寄到伯修元稹潛然讀已以示歐子直子直欣然屬和仍從史老漢爲前驅祓道時方重定讀書說良不暇及乃

懷昔耿耿且思以挂劔三子者挂劔廣生遂乘燈下兩夕了之湘三子所和舊用馮韻以其落字多腐又傲流俗上馬跌法故雖仍其題而自用韻亦以著余自和三子非和馮也乙巳補天穿日茱萸塘記

古梅

早歲先登秦女峰腰垂綠髮玉爲容不知甲子真多少問取前溪偃蓋松

早梅

不遣西園久放閑微陽烘蒂坼朱殷南征鴈過驚春色睥

睨寒汀擬北還

庭梅

素錦光搖玉篆牌
瞳臙清影正當堦
畫垣底事重重閉
未有塵飛走馬街

官梅

碧幹扶疎間古槐
晨衙畫鼓隔簷催
迎春初進纏紅仗
一日偷閑得看來

江梅

橫梢浙瀝入船窗
低映棠檣亂雪涼
鴈盡天南人未返
憎他帶影一雙雙

溪梅

香霧氤氳靄碧灣
流澌一夜送潺湲
低垂亂惹珠光濺
疑是疑非響珮環

嶺梅

藏春有塢恥輕融
直上千尋故御風
平甸下看烟漠漠
孤擎寶露出清空

野梅

牧笛無心倚玉簫
青帘得意遠蘭橈
生憎殺景張功甫
浪與移栽向六橋

憶梅

先春不得待春闌渺渺西洲欲見難唯有梨花賒臘粉黃昏烟雨帶人看

癡梅

湘簾凝涼菡萏開幽香冷觸幻春回因緣漫向癡人說只作當先及第猜

尋梅

消息心知在別峰南參煙水尙重重谿雲乍捲流泉細一點香飄帶影逢

問梅

不是桃源惘去津知開知落也難真南鄰酒伴經旬飲欲

與商量恐過春

探梅

扳枝已見綠催新斂萼猶疑粉末勻子夜霜雞驚曉起逢迎不早怕花曠

索梅

樓頭遙望識春生雪徑過從奈宿醒聞說凍禽爭採啄何妨分我一杯羹

未用朱子南岳詩

觀梅

脈脈從看爲解頤陽和一繭細抽絲捐情似水容相見不許香車寶馬窺

賞梅

徵詩檄就隔林催鶴膝猩羶渡水來
婪尾不須傾臘酒
頭還有煮青醅

友梅

爲之說耳亡實也

大夫已見受秦封
君子還驚化鶴容
獨抱冰心邀瑞葉
溪頭三笑一相逢

寄梅

紅塵日日促香乾
欲贈相思行路難
知到隴頭春已盡
祇應將作柳枝看

評梅

絕色平分雪幾曾
清香不怕月難勝
雙標第一花卿品
莫遣姚黃妬汝能

歌梅

乍炙銀笙試朔吹
旋拋珠串賽清姿
曉風殘月傷心句
不待楊花撲岸時

別梅

離筵及早酌屠蘇
留看鐙宵待得無
知有前期霜信後
小窗人奈雪侵鬚

惜梅

情知無計奈春何
水涘山椒玉一波
密篠藏陰香幾瓣
還

愁微霰祝暄和

折梅

躡薛牆東帶笑披暄風還向手中吹閒情貪授尋春客不
管高枝怨別離

剪梅

當窗妨繡鳳頭鞵出閣驚捎小燕釵拚取惜花情幾許并
刀一割玉龍乖

浴梅

臺上天花白氎巾戒香臘日洗塵塵寒崖莫有三冬暝爲
現瞿曇四月身

浸梅

清泉細點石硫黃留得荀公幾日香蠟蒂涓涓升宿潤猶
疑疎雨過銀塘

簪梅

宜春燕子縷金花拋擲偏拈紫玉芽風味愛他林下好粧
成掬雪試烹茶

粧梅

低回怕得近簾鉤寶髻當心五瓣收萼綠華傳新樣子吳
娃錯道牡丹頭

蟠梅

藤梢蔓惹怕清狂收拾閑心寸步香向日迎風干笑合來
回無影過東牆

接梅

裁素紉紅半臂嵌縫成知費手摻摻新恩特賜加緋服仍
帶銀魚舊日銜

譜梅

鄉國原標大庾南飄零偶籍百花潭宗支的的吳門隱指
李荒唐笑老聃

苔梅

紫葆初含故葉稀孤莖獨秀綠茸肥晴雲潤浥虬枝軟倒

寫溪光碧玉圍

杏梅

薄袂圓襟一式裁駸駸旋接落英開便娟爲少新條綠遙
向日邊掠彩來

蠟梅

弱粉難支雪色侵檀痕相倚賴知音連牀各寤還同調凍
蝶迷香記淺深

竹梅

賦媚檀欒共一時鴨頭新浴鷺飄絲長疑臙粉歸何處密
裏龍孫出籜枝

雪梅

減取瓊花一片開
五銖輕較六銖裁
亭亭小立雕楹外
白紵閑看舞袖迴

月梅

輕梢無葉出空微
弱片多驚定影非
碧海融融烟似水
清暉略帶一分肥

風梅

雲痕乍裂裊孤烟
薄媚東君試一暄
背水獨搖香陣陣
芳心透過柳枝邊

烟梅

一片芳情悄自拘
未分明處不模糊
憑誰洗滌幽香魄
爲倩絲山縞臆烏

孤梅

空明碧澹粉離離
寒鵲尋香遠不迷
野渡問津人共指
重來猶記折殘枝

移梅

微歡得向玉堂栽
油杏朱闌碧鬢臺
斷岸當年生長地
春雲如絮野棠開

疎梅

暮雨蕭蕭膠幾忘
晨星落落意爭狂
從教子結調羹用
不

倚多金傲雒陽

老梅

天涯遲暮歲寒心
淺着鉛華遠
單陰消渴文園相待久
黃金爲買白頭吟

新梅

試雨禁風始出胎
根苗忘盡舊亭臺
倡條冶葉輕前輩
庾信江南老自哀

矮梅

舞衣不浪費
冰綃仰笑垂楊街
楚腰羅襪風生驚
颺起旋看緣帶上頭嬌

遠梅

鄰院新栽葉未滋
窗前無分慰相思
逢人把過石橋去
借問攀從曉露時

落梅

乍暝初催朶朶齊
蛟冰風捲畫樓西
琉璃國土堪埋玉
不遣餘香上燕泥

瘦梅

斷岼欹危罌古藤
紅泉瑞露飽何曾
清羸百鳥銜來易
將供日中一食僧

宮梅

玉鱗遍覆軟條青
合殿金鋪盡日扃
唯有樓東人睡起
鑪烟移遠水晶餅

簷梅

纖枝上與午烟齊
墜玉旁依乳雀棲
冰溜夜懸三百顆
雙邀斜月漾玻璃

寒梅

生緣同在涸陰天
栗烈何因授記偏
爲有臨風觀望客
遲春日擁黃綿

咀梅

聞說猶疑耳亦貪
終年不食更何堪
輕鬆脆軟清泉味
池

底奪將雪藕甘

盆梅

平塘鵬斷夕陽紅
曲檻容遮五夜風
一點春愁分不去
當堦斜睨錦熏籠

紅梅

對色疑非香不非
迎暄莫問素心違
光風灼灼傳新喜
殘雪全消散落暉

粉梅

從捐螺黛洗鴉黃
金母熏成姹女粧
色壞爲鉛難似此
凌風九轉更欺霜

青梅

本咏梅花雜以梅子非是姑從之

花事闌珊綠覆除
纍纍帶雨更愁余
濤箋藉染胭脂色
聊寄江南一紙書

黃梅

釀就鶯酷已過春
日長還遣翠眉頰
石家莫倚風狂味
靈雨新添妬婦津

鹽梅

書爾惟鹽梅鹽自鹽梅自梅何
以撮合豈三家村媪下酒物乎

鼎烹鼎食在逡巡
誰遣酸寒入寢眞
滋味何如未下豉
秋風招隱啜湘蓴

千里湖蓴須以湘湖
水浸一宿乃中食品

千葉梅

賒春無已索春添
簇簇新齊鬧不嫌
狂瘦癡肥從肉眼
神清無事賣廉纖

鴛鴦梅

青豆相思意偶通
開時疑說並頭紅
無端賺殺林和靖
三十六雙一癡中

綠萼梅

葉色通梢曉氣醒
跌香浮幹豔心高
單于莫怪胭脂失
漢月昏黃塚自青

胭脂梅

應即紅梅不獲已
姑以深紅言之

紅藍染髓換霜膚
血滴靈芸凝玉壺
莫訝施朱教太赤
入

時學得牡丹圖

西湖梅

縹渺芳情送畫船
蘇堤莫詫柳如烟
詩田捲盡琉璃現
此是開山白樂天

東閣梅

香國揚州錦陣豪
詩情偏向峭寒高
都官吟後輸聲價
傾蓋白頭只水曹

清江梅

題亦不典

沙明難辨幾枝生
浪碧微看淺色輕
一疋練飛花樣細
還從豆蔻夜熏成

孤山梅

亦西湖也重出而逸其半

放鶴亭空客已仙
裙腰褪粉斷橋邊
廣陵新送青娥苦
判餘芳作杜鵑

羅浮梅

本記云趙師雄將歸羅浮則梅花一夢固在道中竟云羅浮者相承之謠詩為訂之

客路相逢散旅愁
桃根月落海天悠
何當移向神山種
得共師雄賦白頭

漢宮梅

既有宮梅自該古今又以漢別之漢人無咏梅之句奚取焉

長門春鎖萬花深
紈扇無愁到玉林
記得虞淵官簿說
紫華紫葉結同心

屏舍梅

亦與官梅重取湊百題耳

被擁黃紬曉睡醺
蜃窗晴送暗香聞
故山春色今何許
空署當軒五朶雲

書窗梅

簷牙折向紙鐙龕
數葉巡香漏已三
誤檢秦風求故實
終南原只有條柑

琴屋梅

晴軒融徹靜香傳
器冷心閑好扣絃
一片低飛疑竊聽
隨風巧入郭公磚

碁墅梅

未了尋香又拂枰
冰綃遙映碧紗明
春前開亦隨春落
先

手何心百轉爭

釣灣梅

小穗侵波曲胷鉤
危根擎石細分流
羊裘墊臥收緝晚
爭唼落英看白鷗

樵逕梅

谷口凝陰宿雪淹
槎枒望斷白雲尖
夜來野燒剛餘得
一樹垂垂出短簷

僧舍梅

寶剎疑看珠雨飛
香烟幢影共霏微
雪山十九因緣熟
那但長留舍利衣

道院梅

鶴徑風迴香細縈仙衣長似御風輕砂胎初剖銀芽出還
恐流珠暝易傾

柳營梅

軍壘尋花亦所未聞

繫馬蟠根鐵色籠寒光飛練射昆吾花前莫話封侯事一
樹功成萬木枯

蔬圃梅

挑薺正美芥回青脆甲中含碎玉零緩火夜烹風味別孤
芳生齒酒初醒

茅舍梅

小角陰垂榭逕遮淺簷風轉攪橫斜佳人何必牽蘿補百
琲明珠綴若邪

藥畦梅

竹籟密排落葉蠲尋芽訪藥試新年黃精苗絕蘼蕪灰略
報東風一點暄

前村梅

小逕冰封礙往還春心遙寄有無間開窗欲覓香來處猶
隔當門一段山

炤水梅

亦與溪江無別

朱點當心印不如一花五葉我逢渠萬波搖動兼遮顯斜

領猶看不見餘

山中梅

捷徑無心假息機
豹林誰買玉田肥
人閒好句傳高啟
驅遣袁安臥翠微

城頭梅

可戒者不加芟除不但致振援之寇且有復
陸之憂矣命題亡實乃至於此

畫影斜連大旆陰
麗譙日暮飽歸禽
岩堯一聽睢陽笛
月苦雲深天地心

水竹梅

寒池清淺影籠冰
霧上雲鬟冷不勝
斜倚琅玕舒鳳尾
翠幃深擁暝香凝

水月梅

玉魄昏黃罩素魂
縠波瀲灩吸香痕
分身自在雙涵得
總被空青一鏡吞

擔上梅

纍垂得得到江城
粧點琴囊襯酒鎗
槩几素屏充供養
閨中莫聽賣花聲

杖頭梅

玉色分鳩瑩不任
龐眉霜鬢映森森
道逢禪客機緣捷
擺落天花雪滿襟

隔簾梅

銀蒜遮寒小閣深
膽瓶曲檻兩沈吟
疎筠咫尺天涯路
一曲瀟湘萬里心

照鏡梅

鼻觀分明到眼驚
他心通盡意身生
憑誰拈笑分賓主
水月空輪挂寶瓔

十月梅

爲惜霜紅昨日凋
續香補豔倩新條
一枝迎雪元多麗
何事王維更畫蕉

二月梅

翻翻怕被素塲欺
青豆傍看玉蘂垂
聽徹鶯喉邀蝶舞
風

流何必少年時

未開梅

萬頃春膏疑玉酥
曉霜殘月足踟躕
鬚葉葉無中有一
幅先天五老圖

乍開梅

蚌胎微吐露靈砂
略與東皇報歲華
底事花魂多在苒
遍人詩思在些些

半開梅

心心長待筍班齊
南北中分入望迷
殘臘易消春易老
怕教拋盡惹鶯啼

全開梅

晨探莫憚凍雲天一日風光盡一年暫喜真珠拋十斛懸
愁銀甲搯苔錢

水墨梅

冷暈冱拖磁碗漿古香濃歎豹皮囊分圈硬用中峰筆百
首詩情此較長

畫紅梅

被酒濡毫敵曉寒淋漓狂掃萬枝珊禪心爲笑花光老借
得粧樓繡譜看

玉笛梅

笛吹落梅詎果有梅吹落梅者
不必玉笛酸拈江城五月句耳

曲裏尋春已惘然瑤村况覓洞庭仙空花和合聲香色帶
影獨頭起識田

紙帳梅

幽豔濃熏暝雪窩流香橫漾皺紋波輕姿癡醒鐙前現隔
斷白雲奈採何

子直云旣不以馮題爲雅則胡弗易其甚者余笑
謂普此一段明光錦裂作百雜碎已覺濃酢撲鼻
那得更添烏梅酷子也但其尤紕謬者聊摘笑之
追和王百穀梅花絕句十首

乙巳中秋坐彭城君小軒奕倦茶闌索書以讀得

王百穀集百穀近體頗侵許丁卯之壘唯七字小
詩排宕有生趣就中梅花十絕尤爲清健昭代詠
梅者人傳高太史雪滿用明之句固作家畫也如
百穀者迺有士氣寒香雪色正須用格外取之因
次其韻亦得十首出入於冬秋花月之間自謂如
岳鵬舉論兵存乎心耳回視曩者百梅詠十九夾
應付愈增大慙勿亦藉此酒之

梅葉上紅爭欲落南枝何處索春光姮娥前夕開明鏡莫
有佳人試早粧

元魂不死空明外秋水秋雲總似花直待江春問消息癡

拈襪線覓袈裟

停觴待月似蒸砂一瓠先生病喫茶認得六橋鰓處士湖
光封雪覓梅花

當時幸免賜官湖敗葉聊遮冷鷓鴣有土種梅三百樹焚
香無地避催租

萬花爭盡壘東西雪骨霜魂分不齊金粟迎寒開月浦網
緝香霧一雙迷

黃梅瓢熟無多日玉露催秋月屢弦但使看花留老眼不
愁春色惱人偏

白頭綵筆寫氤氳香靄描來雪幾分猶恐相逢不相識擬

添殘月與輕雲

自為百詠解朝

斷嶺知誰舊種來藤蘿無限妬花開蓬蒿初剪清魂洗舊

尉三生也姓梅

余小圃草莽有古梅一株

漸老看花似隔烟詩情欲嬾上灘船緋桃紅藥輸年少把

雪吟霜卻少年

彭城才子太憐梅一舸輕移郢樹開紅粉歎香薰小閣凍

蜂迢遞許重來

和梅花百詠詩終

洞庭秋詩

夕堂戲墨卷四

船山遺書五十六

衡陽王夫之撰

洞庭秋三十首

遙和補山堂作

落帆笙竹來垂二十七年湖量未忘者記持耳昔
人評隲畫水獨以活水為至到記持中何從有活
水乎是以摺湖采逸秋容一聽之諸公而僕詩最
晚出抑不能為馴雅之音但思拂得活水一兩波
幾不遠作者未審閒能勿疑殆己酉杪秋記

瀟湘北下巴江東上蟠下際搏青空天地忘憂消偏側淒
清作意撩鴻濛夔子孤城懸太白三苗餘壘挂殘虹古今

無那此俄頃欵危欵爾生蘋風
月似蘆花烟似水似如不似勞形容歎雪凝寒猶清適涵
暉冷燄飛輕鬆星漢相看交不昧心魂欲之亦奚從但覺
晃媚透圓碧不辨愁來忽已逢
大儀懸張覆釜幢誰其至者弗心降長天纖忽隨泯泯商
颯騷肩入淙淙浩瀚無餘一絲挂清微欲將九鼎扛安得
沐日仍浴月東禎西皎晶熒雙
洞窅虛無淨一規驚濤相卽不相疑精金大冶鍊幽蠻俊
鶻老鼉愁傾危炎心已改何洗滌高夏受盪還清嬉妙香
浮動非蘋芷水霧上攝開輕吹

乾坤倦遊行將歸損山容益水光肥片雲帆側不能影木
葉天際知已飛游子去妻百交感戰伐漁樵雙息機驅除
妹暖返肅爽禁愁爲惜素心違
羈心劈破芥浮居色色消沈遠近如險目不平夾韻度涼
魂小住姑安舒孫劉戰爭問漚沫懷葛徂伏畱蕭疎情知
涕泗無棲泊放浪磊砢任太虛
翛然容與清冷都何求不得須黃壚函蓋雙樞合駘宕明
暗半絲分有無潛蛟旅鴈忘興廢疎雲片月矜昭蘇縮爲
椰子沁心腎幻計無忝移山愚
空有無垠剗徑蹊分明至極翻淒迷遠視不正非野馬客

心已窅聊木雞帆蝶賣眼驚天末檣烏亡賴啼日西陰光
夕灼動綠氣儂然鬼臂相牽攜

碧落無疑鵬背指入寥天十絕安排邂逅不停增蹇產虛
空未破猶沉埋略遣水光存芥蒂想知天骨正厓柴鯨鯉
可騎終未稱吾生簪笠雙青鞵

回頭搖落悲羣動廣大昌明亦自猜無觸之聲消夢畧不
寒而慄貯騷才藏舟後夜同歸壑張楚初心冀緩哀馳鴛
清狂何所吝寒潭降潦畏相催

瀾瀾盈盈不借春千蕭萬瑟屯嶙峋水力未至溢浩淼雄
心僅可吞清貧張樂鼓瑟憑慰藉巫娥湘后惆逡巡自然

難釋虛無恨斜月流霜非有因

日窮差別耳非聞逼塞諸根但有云觸法大都無軟美寬
饒何處着殷勤如浮今古誰爲紐儘費烟霄不受熏一笑
中流誇定力那知棲樹破三分

西清啟寒亦有門肩魂不扃金水魂方諸津潤遂昌大青
女娥嬾失恭温孤雲峯勢向凌替海天精彩捐煩窵空洞
雖非萬法侶臨之未易相貪吞

隨處波心着戲竿剛森簇簇護輕安充形暄氣存黍米大
冶昭質任意爨爨根株吾豈依墳埴鬚髮何庸非羽翰霏蒼
颺碧自生意行與渾儀謀團藥

遠行之感劇登山壑斷湍哀夢亦慳戍火祠烟盪精切長
天白雨怙癡頑天涯交臂早無紹去景凝眸暫不閒難與
此懷覓止竟征鴻一縷空飛還

塞臆英多杜口宣清歌難喚奈何天古人不見閒邀月置
我無從小學仙鐵脊未妨聊旖旎金輪猶恐不剛堅餘霞
落日關何事帶影微茫起識田

法界孤微此汝寥鯤遊亦竦等鷓鴣環區不鯁魚頭乙泓
水方凝雀目椒濃露可憐添汜潤片雲何恃得逍遙窮塗
收拾千年恨鰕國遊誰出斗跳

欲然斂精歸元包勻凝活汞停煎炮穹窿舍此復何有沉

瀼相干故不交稍覺絲緝牽靜謐非分玉笛喧淫咬神光
四映飛芒角詎倚星月相雜散

弱骨凌乘一綫操未憑長目送雄豪通身冰血爭融結伸
臂烟霄試抑搔豈必人生方幻寄足知厚載不功高金風
但鼓囊中籥大費尖酸徒爾勞

晶輝蝨影縈一窩澄之蕩之夫如何容裔積已成堅冽鏗
錚喧外絕煩苛綠非荇藻發誰浦光帶露霜自昨波驚鴻
亦知無聞見抱意長鳴凌嵯峨

大圓不息翻河車閃爍萬頃吹銀芽化汁一色混瀟晶青
氣雙合通荒遐無質可搏猶沐浴有見不盈奚開遮何得

喪耦此孤坐誰邀明月覓蘆花

三秋三楚填淫荒誰能不斷憂思腸遙遙極浦浮雲樹渺
渺生洲迷荻蔣馬殷南國飛星白陸遜西壘落日涼咫尺
千波杳向往孰爲大壑恣埋藏

浮槎無繫巴邱城縹渺之樓空若驚微霜覆蓑失殘夢遠
火照帆悲他情乘乘宇內旣清澈脈脈空際或經營小范
於此言憂樂胸中無故橫甲兵

微風軟殼退以聽濯濯平遠拔昭靈各儉物情不獲已險
阻大造故須經餘霞半壁從明滅征鴈萬雙亦伶俜居然
幻泡警涼魄無數浮心一日局

峻嶒何來凜氣增舍此空輪無與勝吳天海色遙迥送楚
霜蜀凍交消凝蕩滌赤日曳素練消息銀漢絡珠繩從知
白帝威權甚萬象瀉影涵傾崩

鷓鴣聲斷西日浮君山未愁黃陵愁白浪幾何傾楚塞金
風旣展訖神州蕭颯萬个撼斑管迢遞千古疑膠舟賈至
張說爾何物落拓欲牽萬里憂

但哀無端眇淫淫長嘯不展狂歌瘖欲與招魂迷南北橫
令此愁亘古今蟄雷殘雨無所藉金樞玉露亦難謀日暮
息棹殊未已寒波倒射丹楓林

玻瓈帝網兩鏡參元中之元清靈酣露泡影相合不二水

月空觀誰爲三中流兩岸四無定鳥道一碧微白詰軍持
滿汲寒沁骨容受無多祇大慙

青幕白地清澁黏濃淡分界唯微纖未審天容虧半壁定
疑水氣消餘炎披襟不讓雲將御理楫略挂羚羊尖鑿空
白戰九十日吸月餐風亦損廉

玉液統此微霄函俯仰不知靈與凡旭霧平收兜羅捲陰
彩夕湧牟尼嵌肉翅欲愁千里倦韻目難厭一晌饒蒼螺
半點點霜色謫仙何情強欲莖

洞庭秋終

鴈字詩

夕堂戲墨卷五

船山遺書五十七

衡陽王夫之撰

前鴈字詩十九首

鴈字之作始倡於楚人楚澤國也有洲渚有平沙
有蘆蔣菰葦東有彭蠡以攸居誌南有衡陽之峰
曰所回翼也故楚人以此宜爲之咏歎近則玉沙
湖補山老人續唱作者連軫予病未能者且十年
矣不期病中忽有陽禽筆陣如鳩摩羅什兩肩童
子出現因吟十九首諸公於霜寒月苦南天落翼
之日目送雲翎而僕於花落鶯闌炎威滅迹之餘

追惟帛字時從異軌情有殊眵短歌微吟不能長
斯之謂矣故諸作者皆賦七言而僕吟四十字

縷縷漸深深當天一片心書雲占朔色絃瑟譜商音尺帛
無勞繫南樓未易尋暝烟生極浦長夜付浮沈
碧浪合逡巡蕭條接迹親三蒼言外旨七日句中春避暑
疑秦火懷沙弔楚臣雲林添畫筆中土不無人
活譜賦秋聲音容共一清空頑難轉語天老未忘情羽調
悲寒水行吟倦汨征蘆干悽怨急絕筆意誰平
鵲渡已如夢深秋始報章偷臨無乳燕低誦有寒蠶落葉
勤儻誤墟烟與秘藏重來無粉本隨意寫蒼蒼

紀豔非吾義驚春去色匆分飛南北史歷亂檜曹風天問
憑條答空言未道窮何須藏魯壁絲竹奏清融

無待月中聽哀吟意已形同文從鳥紀馳檄指龍庭笏午
悲邊雪零丁寄汗青清泉涵片影井底血函經

冉冉漾輕柔關河只此愁鷹鷂疑謗詛鳩鸞漫諮諏水月
三人影霜霄一抹秋江山日日改挾策亦奚遊

今古一相如飄飄賦子虛元文披帶草碧个做林於蘭葉
肥還瘦銀鈎蹙已舒稻梁非汝志投筆莫歛歛

乘風莫草草雨雪且舒邪依毛詩音徐燕國迷蒼素鵠言染茹

蘆六歌懷天水尺一謝休屠依漢書音除一綫臺城詔難忘紙

鷓書

此字無人識空勞歷九州分明扶日月因革自春秋鳩篆
刪妖步鸞歌恥佞喉冥飛誰弋篡不墜草元樓

野水漾初春苔涵綠字新烟雲都不染風雨故如神軟影

翰非弱餘寒手不龜依莊子音麋鳳兮哀已久還現素臣身

終知無寄處不欲昧前期人世誰長目天心自列倉寒宵
聞見外皚雪炫熒時豈爲知音絕停毫罷遠思

脈脈有心期行行且浪嬉大人狂客傳小雅遺民詩解就

名鴻烈書成授意而關門邀紫氣聊與著雄雌

晴空不易得欲示下方難黑月韋編絕酸風蠹迹殘黃麻

悲鷺序白簡笑鷹彈獨吹青燐火傳書乙夜寒

倚杖孰亭臯尋行送望勞霞章添旖旎星采點蕭騷唯覺

孤心合難將遠目韜昏鴉空潑墨何當一鴻毛

居然緣慧業亦自種情苗始旦回鸞帖清秋題鵲橋彌天

知泛宅露地註逍遙既證無師智靈雲瞥眼消

癡蠅鑽故紙窗隙溷雲容天外勞一笑書中誰萬鍾童烏

何足與燕頷止爲傭小過占哀儉飛離不恤凶

一從悲鳳靡長是問蒼夏南北招重疊風霜挾苦辛昔時

人不見歸去柰何春童子三生塔還畱慧命因

青女授靈符全身入畫圖血潮勒款識毛鷺化酸迂天變

人終定雲生道不孤無心持換米生計有雕胡

後鴈字十九首

或曰謂楚人宜吟鴈字者楚澤國也有洲渚有平沙有蘆蔣菰茨東有彭蠡之澤以攸居誌南有衡陽之峰曰所回翼也過斯以往孰妄言之而孰妄聽之乎余曰可哉嗣吟十九首首四十字

之遶打虛空經營慘淡中蟲魚多詰屈龍馬半昭龔副墨傳溪影雌黃聽落虹天情駘宕裏消息一絲通
寓言河漢迴草線與灰蛇應迹說隨掃文身開復遮梵書疑以八易象半交叉飛舞茅龍趣江門憶白沙

抗墜引清微靈心挾肉飛蝸銀眞白俗鱗墨莽鍾肥主乙疑無定偏傍竟不違方春湘水上搦得禹碑歸

塵氣不餘纖憑虛一縷黏分歧垂遠勢透露簇微尖曳腳神還整藏鋒力自銛臣書眞逸品鳳藻得無嫌

閃霍倣公孫垂垂引漏痕裝潢懸玉宇授受付金昆帶雨流鶉火銜蘆賦大言靈文人未測只倩記寒溫

密迹簇春蠶青編削蔚藍闕文唯夏五足用及冬三元鳥誰徵宋金天舊問郟筆花欲有授鳥夢柰沈酣

湘岸臨潭帖天山搦漢銘爲誰修楚史自解註禽經語雀羞刑牘言鸚笑說鈴揮毫千里瀉腕脫不曾停

恥化頑仙羽新宮待爾題河山雙劃斷物論片言齊脈望
 徒吞字蟾蜍未映迷寒陵勞坐卧極目去蹤低
 霽雪曙南天孤縈倍可憐蛾眉流曉鏡香尾篆鑪烟幽意
 蠅頭密連絲繭緒牽靈紋驚易沒移入斷雲邊
 秋思本無多千行白不譌清姿從倒薤壯志欲眠戈散隊
 連行草遙天任擘窠催花看盡發誰與換羣鵝
 滌硯裊元雲瀟湘寫練裙龍蛇雙腕競魚燕尾梢分出像
 傳毛穎題幀傲墨君夫人學已熟誰復笑羊欣
 素宇無畱墨平沙印別痕暗書還自省未到意先吞映雪
 功彌苦依天道已尊八紘開義海瀟灑動乾坤

渾敦帝鴻開誰云子不才國門懸月令南極轉三能依周禮註

音奴來翻下士稱微者雄風詠快哉匆匆春早駕薦福畏驚雷

沙雪箋銀暗蘆鋒筆陣降驚颺催就急虛白入鈎雙髮細

縈空鏡晴波上曉窗研朱和露滴楓冷落吳江

有句兼無句羚羊偶挂尖吹毛傳密諦帶影悟廉纖化迹

空三藏迷人頂一砭獻花巖畔鳥半偈不會拈

刮目經年別驚非吳下蒙四聲終寫入六義不刪風恥逐

蝨文亂誰憑雜譯通斯文知未喪幾復畏虛弓

淡墨布層層癡肥自不勝回文低落月影本暗漁燈險句

從空構秋思與上興懸題天闕迴為爾費冰兢

始知空闊裏無數妙詮偕娓娓談天衍痕痕煉石媧紙光
從月研筆塚有雲埋仙笈傳青鳥空勞曼倩諧
未肯負居諸飄流不廢書長塗收史料小正作經疏贗迹
徒相似鴻儒亦借譽鯤鵬聊志怪終是不才樗

題蘆鴈絕句

家輞川詩中有畫畫中有詩此二者同一風味故
得水乳調和俱是造未造化未化之前因現量而
出之一覓巴鼻鷄子卽過新羅國去矣八閩曉堂
上人以蘆鴈爲法事卽得蘆鴈三昧亦卽以蘆鴈
爲詩正爾壓倒元白余於畫理如痴人食飽心知

而言不能及爲師隨拈若而首師遇畫著時有與
余詩相磕擦者卽以題之不信非瓠道人所寫也
驚風吹霰雪中還萬里黃雲一線關回首江南此風景唯
將嗚咽寫潺湲

汀渚誰家儘自疑懸愁漁火隔江知飄零亦是前生果不
羨鷓鴣老一枝

月明是水是蘆花逗漏清空片影斜沙上有蹤誰見得儂
家曾泛逆流槎

健翮先飛下淺汀魚鰕雖飽卻餘腥何如且帶斜陽影點
綴殘山一段青

秋江淼淼月微明
飛雪縱橫點翅輕
自學春鶯穿柳絮
不知白羽賺蘇卿
簇簇霜花覆淺灘
荻根蔣葉一江寒
秋聲徹夜驚鷗鷺
簞柱參差不忍彈
蜀雪消遲水拍空前
時汀渚杳蘋風
今宵隨分聊收翼
只在秋聲一派中
老碧蒙茸嫩葉齊
一鈎斜月照幽棲
清宵寒夢雖無據
不到飛狐谷口西
南來不爲稻粱謀
徹骨森寒月下洲
藻荇甜隨口過飢
鳶莫漫爲含愁

書人欲倦曳波長
一幅皚皚側理光
盡捲丹墀歸竹素
不畱之遠待雌黃
淺白平鋪萬綠稠
蒼翎碧水素沙洲
色如非色云何攝
一味分明墨氣收
漁艇無蹤樵徑荒
平沙露冷月微茫
問師此景從誰得
莫是前身現鴈王
驚心矰繳曉飢餘
何有壺漿一艇漁
莫道相酬無寶劍
明年先寄報恩書
密葉修莖翠萬竿
未須還怨曉霜寒
天涯拚作無歸客
且得清秋一夕安

雁字言
回望還驚伴侶遲分飛愁絕故心移江臯莫愛霜楓紫自
是棲烏夜宿枝


秋心萬古此瀟湘漢苑胡關帶恨長誰道靈均哀思絕唯
將鷓鴣怨年芳

斜暉欲下颺金飈綠苞初開碎練飄莫認天山飛雪早江
南饒有可憐宵


墨光之外歎秋光夜永江寒楚塞長記得蒼梧多淚竹緘
愁無奈斷衡陽

題此經一年矣乃賦鴈字如兩畫相擬一土一匠
自有分別者寒窗西日自顧而笑因鴈字帶出此

十八絕句所謂新婦騎驢阿姑牽也庚戌秋冬之
際敗葉廬記



雁字詩終



倣體詩

夕堂戲墨卷六

船山遺書五十八

衡陽王夫之撰

倣昭代諸家體

居常謂與天同造者迎之不見其首隨之不見其尾適融而流適結而止其唯三百篇乎過此以還思必有津筆必有逕非獨至而不可至者也江醴陵白李都尉至湯休上人得其思與筆所起止以相迎隨遂爾神肖皆唯其津逕爾昭代三百年間詩屢變矣要皆變其所變徒倚於銖寸之頃一羽而知全鳳亦知全雞其為翮本均也偶為尋之得

仿語言
三十八人人做一章非必全乎形埒想其用筆時
適如此耳淺者循其一跡以自樹於宗風一噓而
已風可帆使也雨可蜥蜴致也日而後不可追也
孰其爲日乎吾不敢爲夸父之逐矣

劉護軍基

秋興

括蒼雲繞縉雲都萬簇芙蓉翠色鋪紅雨溼飛鳥相薄碧
波晴點鷺痕孤登樓有賦依州牧長揖無門傲酒徒不識
故園他日淚蘋花還送暗香無

楊提舉維楨

嬉春

選勝明朝陌上花狂夫已宿黃公家連錢夜洗香泥點團

扇新描輭縠紗燕尾掠人靄綠酒鶯歌隨處呪蘭芽片雲
南浦不成雨油幕高攀看晚霞

倪處士瓚

園居

長夏新桐洗綠莖乳鶯歷亂啄朱櫻不知微雨遮青嶂卽
次流珠濺紫萍閒整丹經香篆歇小臨鶴選碧苔生碁枰
已斂湘簾捲稍覺銀鈎挂嶺橫

貝助教瓊

感亂

正作越來溪上寢潮聲夜打澗東城春花春柳皆他日羽
檄羽書悲此生成火搖烟低片月歸鴻掠浦警三更堂堂
歲月相欺得明鏡新添雪幾莖

袁御史凱 白燕

烏衣莫與怨斜陽
雪色新裁素練裳
隋苑柳疎長帶月
河陽花滿不驚霜
瓊臆瞥眼窺銀字
玉鏡偷臨鬪靚粧
似妬蘋花秋色好
不畱清影照寒塘

高太史啟 梅花

稍覺逢春客思催
江春無奈促花開
一枝橫水寒潭月
幾點回風雪砌苔
啼鳥易驚歸客驪
隴雲空寄故園哀
東風已遣芳心盡
誰與垂楊銜楚臺

劉典籤炳 早朝

暄風綠草鳳臺新
金爵浮光射寶輪
雲斂三山澄海氣
日

華雙闕起江春
衣裳初識龍文闊
導唱遙欣黼座親
還使故園歸興盡
嗚珂長日惜芳塵

孫典籍贊 客思

扁舟下嶠識春寒
五雨隨風度幾灘
古渡鏡吹侵月奏
孤城樓堞帶雲看
故園荔酒經春熟
過嶺梅花度雪殘
一曲滄浪牽客淚
羊城珠斗冷仙壇

高禮曹棟 酬答

彈鋏新從上國行
遙瞻山斗識才名
漢廷屬望賢良策
魯殿初傳絲竹聲
柳色上衣春日酒
梅花吹笛歲寒情
殷勤莫負乘槎約
拂劍欣看碧漢清

李少師東陽感春

小園花發鎮簾垂，春草臨階未覺滋。
香尾困風穿溼幕，墨膠凝水帶冰澌。
病中藥裏煩南客，窈裏蘭芳記楚辭。
猶有湘千田二頃，君恩不許趁耕時。

陳簡討獻章

晚酌

日暝風微柳雨溪，分明莎徑未須迷。
鶯聲過澗還如近，蝶翅因花亦屢低。
心迹同原聊共賞，乾坤雙歇恰單提。
芒屨是處尋春好，不揀蒼苔與沁泥。

祝京兆允明

悲秋

獨坐不知秋日短，行年唯有鬢霜新。
病過柳市愁京兆，癯

記番禺狎海人，泡影動名消。易得牢騷日，月閱來親烏藤。
拄杖明朝事怕見，丹楓映水濱。

唐解元寅

落花

啼鶯流水怨匆匆，萬頃春華一霧中。
芳韻悠悠隨畫角，閒愁點點到簾櫳。
回風無望依瑤草，韶月難期映晚紅。
回首繁華能幾日，碧條簇簇惹薰風。

李副使夢陽

懷古

百尺麗譙俯暮原，黃河捲雪擁蛟門。
朱仙祠廟青松冷，艮嶽風霾白日昏。
華表定畱千載恨，靈旗難返九招魂。
寒鴉斜照蒼茫外，酌酒長懷國士恩。

何副使景明 遊歷

輶車明發啟秦關，縹渺河山紫氣殷。
清渭波縈勞悵望，蓮峰雲杳阻躋攀。
鴻門霸氣蒼烟合，漢寢遺封翠柏閒。
萬里蕭條隨薄宦，不知明鏡改朱顏。

文待詔徵明

齋宿

星華淺映御池冰，栖鵲寒喧樹影層。
獨對畫垣圍藻井，遙知香霧達觚稜。
鐘人屢扣流霜杵，羽騎長依帶月燈。
應有五雲迎鳳葆，曉風已覺透青綾。

鄭稽勳善夫

送客

相送今朝倒客杯，風高木落試登臺。
乾坤帶甲無終日，草

澤紆籌幾駿才南去，祇悲湘水鴈北書。
唯寄隴頭梅，栖遲迢遞雙極目。
大旆孤城畫角哀。

楊殿撰慎

塞垣

碎葉孤城朔鴈飛，安西都護候騎歸。
漢旌已覺交龍捲，虜酒初驕撞馬肥。
桃葉楊花江上，上 鶯敲冰燧火北庭圍。
伏波未洗明珠恨，莫詫中朝有建威。

李廉訪攀龍

登眺

絕巘岩崑接太清，登臨極目羽翰輕。
青徐海色侵牛斗，河朔雲山擁鳳城。
漢樹龍鱗秋色爽，秦碑鳳翥暮烟橫。
探崖欲問長生訣，咫尺蓬壺萬里情。

王司寇世貞

投贈

白雪仙郎雅奏偏秋曹雲冷綵毫傳
迢遙星棹依元禮蕭瑟高樓憶仲宣
采藥三山迷蜃氣長歌萬里看龍淵
東方千騎空籌策媿爾酬恩紫禁邊

高廉訪叔嗣

宦況

三晉雲山西爽開猶憑呼吸近燕臺
時依朱邸陪仙仗喜際青陽進壽杯
鈴閣雪消春草長牙旌風急暮笳哀
葵心欲逐桑乾水縈遼金河輦道苔

梁秋官有譽

弔古

陸沈不擬盡天涯回憶西湖怨勝華
萬古神州消白浪中

流尺土捲黃沙雲蒸海氣栖檣燕樹
隱龍宮急暮鴉遙想講筵當日語唯
聞碧血洒魚鰕

屠大儀隆

送別

高樓清瑟送離羣欲逐楊花怨夕曛
繡袷春寒三月雨牙檣風急一江雲
狂歌戲馬臺前客回首鍾山移後文
浩蕩長淮分咫尺揚州紅藥屬夫君

朱九江曰藩

閨怨

章臺垂柳葉凋秋孤怨孤栖蕩婦樓
六朝香粉丁都護萬里戎破霍小侯
明月機中雙紐縷黃雲城上千金鈎
此生不擬長相憶猶窈落花逐上流

王上舍穉登月遊

秋滿吳淞江外江棠橈波斂夜推牕月華始出照五兩白
鳥飛來恰一雙客散歌聲猶有恨霜寒酒力未全降西歸
更送山陽笛寫入落梅別調腔

于閣學慎行紀賜

龍胎密孕御園春蔬署尋芳剝錦鱗天詔正如裁玉版臣
心未敢擬霜筠中宵酒醒香生頰緩火羹清玉點脣肉食
承恩霑鳳實秋風忍憶故鄉尊

徐秀才渭懷古

湖光千頃敞祠宮雪捲長堤綴蓼紅血蹟寢殘凋燕壘靈

旗雲閃起蛟風局爭成敗天難主情到華夷感亦同古鼎
香烟飄碧篆絲絲飛繞六陵東

湯遂昌顯祖寄懷

星漢當簷挂素秋元禽欲去復緘愁江花笑拂荷衫袖穀
水回迎竹葉舟行藥定逢菖九節憶梅遙愛月三洲垂楊
色色繁歌扇未遣新爭怨鴈樓

袁吏部宏道放言

乾坤非短牒非長花落聊紆粉蝶忙莫遣酒星囚北海偶
逢伏日飽東方蠅臆乍裂雙眸闊狐帽隨拈徹骨香唯
昭文琴外譜不從夔曠問宮商

王太史衡 春賞

幾日新陰輒碧莎羽笙日日入鶯歌花如靜女添春繡月
許遊人畫淺蛾病減恰逢垂柳瘦詩長在野亭多銀箋
欲寄催花句卻爲情深未訂訛

陳徵君繼儒 間居

衡門過雪草心蠲玉茗胎紅透始暄乍響青松烹紫笋閒
移斑几就黃綿茅山書至兼酬藥上海鶴歸未買田熟煮
清醑添箸裏爲移春閨入新年

鍾少參惺 淮泛

書史笙歌儘未殊林光江氣各清迂深知帝里春偏靜小

愛閒官韻不拘水有性情鷗鷺得月函虛晶藻蘋孤回舟
羣動皆空謐隔岸籠燈半有無

譚解元元春 嶽遊

不知猿鳥至何方葉葉晴容發靜光潭黑龍能深定力苔
新雲亦戀幽香泉於草樹情偏摯日以森寒影倍長始覺
向來湘艇上孤危錯擬露鋒鋞

王僉事思任 登岱

何須大叫帝闈聞舂蠶通天黍米分吳練淒迷虧老壽漢
封細碎到亭云欲收元氣無堅影自笑頑軀亦片雲帝鬼
癡靈皆一蟻強將齋沐溷元君

曹蘭臺學佺

感時

杉關關外幾分春已報江干惹戰塵
臨水自澆三日酒看花無那百年人
仙函難訪龍韜祕瑤草誰於御輦親
暫與風光相蘊藉巡池杞柳亦芳辰

倪司徒元璐

好憤

狂歌不審定因何夾臆紅潮滄萬波
怖鬼已勤懸紫蟹沖天無望錮蒼鵝
妬建日日添風雨疑網重重長薜蘿
爲愛信陵多縱酒糟邱無奈醞情魔

陳黃門子龍

贈成

江潭瑤草不須生自折疎麻送遠行
九廟威靈元白日四


愁風雨有孤榮青編白簡星光迴
大纛高牙落照傾極目蒼生悲海色
唯餘三學傲公卿

顧秀才開雍

勸哭

饒蛟風激怒濤腥逝水東傾夜不扃
無望金山邀北岸恰逢潮水落臯亭
烏衣夜色空迷燕碧血中宵欲化螢
回首五雲蟠御寢斷腸鶻哭向冬青

做體詩終



嶽餘集卷一

船山遺書五十九

衡陽王夫之譔

霜度函口

嶽逕

墜葉滿行衣
徑艸試霜色
何知山川想
足敵絕塵力
初瞰峰紫搖
浮空夾蒼植
似可就奇光
問之求羽翼

卽事

癸未 匿嶽

看山正好北風吹
寒在峰頭最上枝
莫漫放鬆筇竹杖
詰朝晴好野翁知

寒甚下山訪病兒
存沒道中逢夏仲
力下小竹昇慄不能語
哀我無衣授之以絮
歸山有咏志感也

癸未

匿嶽

應自友朋恩知深謝不言無衣度霜雪多難際乾坤泥重
芒屨溢雲濃溼帽昏更愁從此去託足向何門

其二

得絮不云暖此情君合知主憂臣但爾心死身何為綠艸
華山帶高樓燕子枝詎言身未嫁可任東風吹

聞鄭天虞先生收復寶邵別家兄下山而西將以臘

杪往赴愴然而作

癸未 匿嶽

微生一日一偷生為惜鴻毛死亦輕從此岐行還強飯盡
收雲水答清平

嶽山叢書五十五

月中曉發僧俗送者十三人皆攀泣良久子亦淚別

癸未 匿嶽

恨別非常度相憐已有時飢分羹芋飽誠絕叟童欺段尉
慙無笏王丞敢著詩感茲暱我眾益笑黨人癡

其二

出山仍不樂未返故園時林岫應相笑蒼天吾豈欺簡囊
羞短劔藏穴護新詩有約歸潮日圖存筆墨癡

黑山訪址

甲申 重遊

不覺生處高上有萬壑爭潺湲如可即欲問蘆蔣聲

其二

嶽力偏幽最平遙眼一新得從煙月望擬作釣江人

鐵牛菴下忽不喜往

僧汲水聲處旋歸未揜關喜尋黃葉溼已度夕陽間

玉門望獅子峰用舊作四韻

甲申重遊

前遊餘愴在霜月況同時世益磨麋駭生爲神鬼欺九州
浮一影殘癯續新詩視徹餘生淡悠悠吾豈癡

其二

屢望高難到前冬一杖時分明霜雪苦偏側虎狼欺芒屨
仍潭水石函尙小詩只今腸可斷翻笑昔情癡

戀響臺

甲申重遊

平接上峰去忽從林莽頽奇情供一逕竝送此中來

繇戀響眺一奇石而上同夏叔直援石曲折遂得方

址歸然可臺

甲申重遊

身隨落葉高足盡奇響力回是一瀑浚泉端不可識

曉同叔直出寺拂讀朱菊水所攜譚友夏嶽記

甲申重遊

登徑驚林泉知有高入址昨宵話霜月寒河固盈耳星光
問吟嘯松根想屐齒是日青天高一石映綠時朝暾不敢
惜白光滿蘋苴夏子發笑言循池累徑此似有神護蔽珍
重以需子遙秀豈敢蒙道孤無出美勉以答古人雙影戀
流水

湧几

甲申重遊。大柳而下平橋叢石間。覺有異已。忽兩石臨水下。石承上石。旁壁頂覆可度。可登。予命人為級。穿折于肩肘之間。攪度裂處。顧其通。鬱尚以期移為苦造形。以來悠悠者。誰望而目之。則經此者。又可知矣。舉酒酌石。貌以湧几。今往後。來遊覽。相積風雨苔蘚之所。不忌則此石其傳也。已時崇禎甲申陽月望後

曠古登應少問之石不知此山初得主干嶽覺增奇葉動

鳴泉處橋寒亭午時有來爭勝槩切莫突西施

縱馬三十里曉及樟木市大江寒流荒崖野艇出嶽

霜山曉氣下連江水影寒花的雙清絕不知乘一羽遙天似有碧雲幢

分寄方廣避亂諸緇侶寄嶽

嶽雲三尺雪一尺爛木枯根炤不生曾記凍僵雙足重諸師許我入山深

屢逢虎跡如牛掌晴日鳴風森晚潭自喜林敲山石碎百靈能識我無慙

燒盡山中貓竹籜特教瘦土發龍材可憐春雨騰青削曾此蕭蕭風雨哀

麋晨鵲夜晝鵲鷓足覆寒蓑聽未休此自答恩還聖代山

僧莫只話驚鷗

五

有土不容雙足入
窈窕寂寞得山僧
若爲一衲寒鐘底
卻解人閒劔俠能

六


兩杖攜歸意暗交
鏗然岳石許晴敲
時艱未靖羞神力
風雨何當補一巢


七

螺縈萬疊青難已
縷縷雲來森自平
中有人煨山芋熟
破煙卻喜杖來輕


八

飢將覓食無方向
飽我山中瓜果根
一片寒香入骨裏
直令清絕是師恩





嶽餘集終



嶽餘集

三

